


आर्यतारा स्तुति

परित्राण पाठ

(मूल तथा नेपाल भाषा सहित)




आर्यतारा देवी नमः

पं. वै. आशाकाजी वज्राचार्य

आर्यतारा स्तुति परित्राण पाठ

(मूल तथा नेपाल भाषा मन्त्र)


परिया अर्थ प्यख्येसनं - त्राण धागु रक्षा जुइगु
न्यनीपिन्त मन आनन्द जुइक शुद्ध याना बोनेगु



भाषा च्वःम्ह

पं. वै. आशाकाजी वज्राचार्य

अथननि बाहा, यल ।



प्रचार भाःम्ह


शान्तरत्न वज्राचार्य

कमल पोखरी

कलिगत सम्बत ५०६०
बुद्ध सम्बत २५३३
नेपाल सम्बत ११०६
बिक्रम सम्बत २०४६

तृतीय संस्करण ५००

सर्वाधिकार सुरक्षित चवमि पाखें



पाकृषि:-

फाईन आर्ट प्रिन्टिङ्ग प्रेस
उद् चिकंग्रट, ये ।

आर्यतारा लुमंका प्रार्थना

श्री आर्यतारा लुमंका सर्वज्ञमित्र पादाचार्य, बालाकं नाम
स्तुतिपात्रं श्लोक ३० वु । थुकीया टीकास थय्ये उल्लेख वु ।

आर्य या अर्थ

आरात् पातकेभ्यो दूरं गमा इति आर्यः ।

पापया मूल हिंसा (प्राणीपिन्त करुणा मयास्ये स्थाय्यं पातेण
कुर्म) थुजाणु पापं घोर अबोचि नरके भोगयाना ताकालं दुःख सिया
महाशंकष्ट जुइका चोने मालीणु पातक पापकर्मयात खने मबेक आपाल
तापाकेणु ।

अर्थात् थुजाणु भयंकर पाप तापाकं निस्थे ज्वां वसानं धिये कइ
मखणु- सद्धर्म ज्ञान अहिंसा तथागत वचन बुद्ध ज्ञान बोधिज्ञान,
बोधिचित्त, बोधिप्रस्थान, बोधिप्रणिधि । थुजोणु उत्तम ज्ञान स्युम्ह
कनोम्ह यात आर्यः धाइ ।

ताराया अर्थ

त्रिभव गता शेष दुःखार्णवात् महा करुणया
सत्त्वां तारयतीति तारणी तारा इत्यर्थः ।

(७)

स्वर्गं मर्त्यं पाताले चोर्मापि क्रमशः देव मनुष्य दैत्य पिसं सुख
दुःख सिया चोगु यःथ गु कर्तव्यं खः । युजागु सीका, छुंहे अकर्तव्य पापं
मथीक चोना बिज्याम्ह निर्मल प्रज्ञा ज्ञान रुप बुद्धया धीमती तारणी
आर्यतारा खः ।

वसपोलं स्वामी बुद्ध वचन शिरेतया बुद्धं ध्ये तच्चतं करुणा
दृष्टि स्वया सत्त्व प्राणीपिन्त संसारया दुःखं तरेयाना बिज्याय्त् गध्येजा
पुरुषवववया कल्याणकारी सारथि जुया बिज्याम्ह बुद्ध खः । वध्यं हे
स्त्रीदवयया सारथी जुया बिज्याम्ह तारणी आर्यतारा खः ।

युज्याम्ह आर्यतारा लुमंका, क्रकुछन्व बुद्धया शिष्य, बोधिचित्त
बुम्ह सर्वज्ञ मित्र पादाचार्यं गुरुं नमस्कार याना बिज्याय्त् आर्यतारा
यात जिनं लुमंका नमस्कार याना ।

बुद्धधर्म, स्वयम्भू, त्रिरत्न, बुद्धपूजा, चैत्यव्रत, वसुन्धराव्रत,
ताराव्रत, करुणामय लोकेश्वर उपोषधव्रत, बुद्ध ज्ञान प्रज्ञापार मिता,
पंचरक्षा, प्रत्यंगिरा, आर्यतारा परिव्राण पाठ आदि म्येम्येगु नं भावक
प्रत्येक महायान (बुद्ध यान) इत्यादि क्रिया स स्वभाव शुद्ध जुया नियम
दाय्मागु शील बुद्ध वचन गध्ये चोया तगु दुः ।

सद्धर्म पुण्डरीक वैपुल्य महायान सूत्र १३ अ श्लो, १०

ये चापि विविधान् प्राणिन् हिंसेयु भोगकारणात् ।
मासं सूनाप विक्रेन्ति संस्तवं तं विवर्जयेत् ।

मुनां यःगु स्वार्थीया निर्मित विविध प्राणी पिन्त स्थाना लामिया
यः व्यवहारया भोग याइ यमिगु संगत् समेत् त्याग पाय् फेकेमा ।

महायान संक्रावतार वैपुल्य सूत्र ८ अध्याये

मध मांसं पलाण्डूनं भक्षयेयं महामुने ।

बोधिसत्त्वं महासत्त्वं भविद्भिर्जिन पुंगवैः । १ ।

हे महामुनि महामति बोधिसत्त्व बांलाक सीकि, बुद्धयानया चर्ये, मद्य, मांस, प्याज, छा, लामा, सुरति गजि, चरेसया कुं तोनेम् (धूम्रपान) पूजास प्रयोग याना भक्ष्य याय्गुनं योग्य मज्जू घका न्हापा जुया वपि बुद्ध बोधिसत्त्व, विद्वान् आचार्य्यपिसं घया वन ।

अनार्यं जुष्टं दुर्गन्धं मकीर्तिं करमेव च ।

ऋग्याद भोजनं मांसं ब्रूय भक्ष्यं महामुने । २ ।

आर्य्यधर्मं बुद्ध धर्मे मलोगु, योग्य मज्जू दुर्गन्ध वस्तु पूजाम प्रयोग याना थःपिसनं सेवन याय् मज्जूः । ध्व वंत्य पूजादि मांस भक्ष्यण खः वंत्य आहार, मनुष्य कर्तव्य मखुः भक्ष्ययाय् योग्य मज्जू घया विज्यात । हे महामति बोधिसत्त्व बांलाक लुमंकि ।

भक्ष्यमाने च ये दोषा अभक्ष्येतु गुणाश्च ये ।

महामते निबोधत्वं ये दोषा मांसं भक्ष्यणे । ३ ।

सुनां मित्रेयानां सेवन याइ नइ तोनि, धुमित तःघंगु दोष बुद्ध पूजाय् थुजागु अशुचि वस्तु (तच्छतं) पापं प्येपुना लिपा दुःख जुइ । सेवन भयात मनस धाःसा तत्त्वतं गुण वथा सुख जुइ । हे महामति बोधिसत्त्व ! छं बांलाक सीका मेपिन्त नं उपदेश व्युः ।

दोषी जुया बुद्ध वचन बुः घका थः स्वार्थीया लागी बुद्धयात बाः तया बुद्ध पूजादि क्रियास थुजागु अशुचि मांस प्रयोगाहार याइ ध्व बुद्ध वचन मखुः घका सीकि । थुजाविन्त तत्त्वतं पापं बाहजुया लिपा दुःख जुइबले तिकाइपि बइमखुः धमं हे भोग याइ ।

(घ)

हानं घया बिज्यात, हे बोधिसत्व महामति ! व्यवहार बिषय स्वार्थो तामास अहंकार मिथ्या दृष्टिया रचना खः ।

गथ्ये नवगुलि भुजो भुलेजुईय्ये भुले जुया अजाने लाका सत्य तोता असत्य ज्वना सद्धर्मजान म्हमसीका हाचां गाया, ध्याना तुतिप्यंका, अशान्ति जुया, प्रथमं घेःपुना, अविद्या प्रेमयाना यःत यमं म्हमसीका, नरकया पुखुली म्हित वनेत न्हिला ह्याय चाया ध्वांन्वा वना इतः मतः कंका सदानं धर्मया खं न्यनेत लिमलाका, विद्वान् बर्ग पिन्त तुच्छयाना मूर्ख जुया घेः घेः चुइका, प्रज्ञा शील समाधि लिउने लाका, कुशाल कुस्वभाव न्हयोने लाका- गुबलेजन्म जुइ म्वालेमा घका चिन्तना घाये फय्-कि । यय्ये आज्ञा जुगु न्यना विद्वान् वर्गपि सकल सन्तोष जल महामति बोधिसत्व वनावना स्वचा चाहला, जगतो हिताय सुखाय लोकानुक्ताय कारणे गमन याना बिज्यात, संम्यक सबुद्ध भगवान् शास्ता जगत गुरुया अमृत वचन शिरे लाका तार्ति पालिस भोः पुया यय्ये विन्ति यात ।

भो सर्वज्ञ गुरु ! जिनं वांलाक खं यल, खिउंस्ये चोंगु, ध्येकोगु, नवगु, वयंगगु, ध्याचोगु, चोवनागु, तापागु ले मलाइगु बुद्धजान बुद्धयान तथागत चय्यं म्हमीगु वंपुत्थ नवसूत्र, त्रिपिटकादि छलपोलया अमृत वचन खः ।

युजागु अनात्म ज्ञान पाकनं संसारं मुक्त जुइगु शुद्धगु तःव्यागु सःतीगु तःप्यंगु लं आर्य्य अष्टांग मार्गे पला छिना थुगु ज्ञान परयात नं कना क्रमशः मोक्ष प्राप्त जुइगु बुद्ध पद जिनं लायेफय्मा घयागु आसा याना ।

थुगु प्रकारं महामति बोधिसत्त्वं सर्वज्ञ (बुद्ध) गुरुया पालिस भोःपुया विन्तिपाय्ये, जिनं लूमंका बुद्धया पालिस भोपुया ।

(४)

धय्ये हे लुमंका प्रणाम याना बिज्याम्हा का. पु. टेंगल टोल
निवासी शान्तरान वज्राचार्य सपरिवार विनि श्रद्धानया दानया क्ये युग
परिव्राण पाठ आय्यं तारा स्तुति (५८) उलोहया नेपान माया अर्थ सहिन
बुगु प्रचार याना बिज्यात । युग पुण्यं वसपोल विनि सदानं जय मंगन
जुइमा ।

गय्येजा त्यागी लामा गुरु तथा भन्ते भिक्षुगुरु पिसं जगतो
हिताय निष्ति बुद्धोपवेश प्रज्ञा शील समाधि ज्ञान कना याय् णमे
परिव्राण पाठ याना बिज्याइय्ये नेपा देशया बौद्ध गुरुपिसं नं अय्यहे
प्रज्ञा शील समाधि आर्याष्टांगमार्गया ज्ञान म्हमीका युग महायान बुद्ध
धर्मया अय्यं परिव्राण पाठ यार्इगु तस्सकं प्राप्ता दु जय अस्तु-

—भाषानुवादक

श्री आर्य तारा देवीयाऽनु परीत्राण पाठया

संक्षिप्त प्रशंसा

तारा मार भयंकरी सुखरैः संपूजिता सवदा ।
लोकानां भयतारिणी जयति सा मातेत या रक्षति ।
कारुण्येन समाहितान् बहुविधान् संसार भोरु जनान् ।
माताभक्ति मतां बिभाति जगतां नित्यं भयध्वंशिनी ।

संसारे आपालं भयंकरं मारया भयं बु, थुजां वषट् भय तरे
माना बिज्याइम्ह, बोधिसत्त्व तथा अनेक देवतादि पिसं सर्वदा मान्य
जातिया सद्धर्मया क्रम (मद्य मांसादि अशुद्ध वस्तु वर्जित याना)
बांलाक पूजायाना तम्ह आर्य्यतारा छः ।

लोकपिण्णु भयतरे याय्त मारया भयवषट् त्याका मानं मचा तेत
रभा याइ थ्वे सुद्धं स्वया रक्षायाना बिज्याइम्ह आर्य्यतारा छः
ध्यातल ।

हानं संसारे अकस्तात् माना प्रकारं वड्णु मययात् फुकामक्ति
याना बोनिपिन्त कड्णा तथा अटमहामय तरे जुड्का बिज्याइम्ह आर्य्य-
तारा धका सीके ।

(४)

जगते बासयाना चोपि भक्ति जनपिन्त शंकष्ट जुया बड्ग, भय
मवेकीम्ह— मां स्वरुप प्रकाश जुया बिज्याम्ह आर्ध्यतारा प्रमृष्टः घडा
महायान बोद्ध बिद्वान् पिसं सोका चोन ।

थुजाम्ह प्रशंसनीया आर्ध्यतारा स्तुति परिव्राण पाठ याय्म
अपुकथं भाषा सहित अलासि मचास्ये सोया वयंम्ह, यनया पं. बं.
आशाकाजि बज्राचार्य जु यात आर्ध्यतारा नं सुदृष्टि स्वया, बोधिमान
प्राप्त ज्वीमा घयागु कामना याना ।

अतः पाठक बर्ग गुरु तथा म्येपि सज्जन पिसं छं थ्रीका समा-
धान चित्त याना बोना बिज्याइ दी घयागु शान्तरत्न बज्राचार्य
परिवारं आसा याना पुस्तक प्रदान यागु पुण्यं बुद्ध भवने वास प्राप्त
ज्वीमा ।

न्हापा यागुलि प्रसंसा याना बिज्याम—

स्व. ज्ञानरत्न बज्राचार्य

क.ा. पु. मोठे लाय्कूसा ।

श्री आर्यतारा देवीयात नमस्कार

जि छम अजानी जुया दुःखया शागरे दुबे जुया स्यनातिनि
यमलोक वनेगु अवस्था ज्वी धुकल छुं घर्म याय् फुगु मखुनि हनेबह
पि बिद्वान तेसं चवया बिज्यागु पुस्तक छगु निगु स्वया बले जिगु मन
भयेमित् जुया तः धंगु याय् मफुसान् चिकिचा धंगु जूसौं छगु भाव
याय्गु ईक्षा जुया यति थगु हे त्वाले श्री सुप्रेक्षण महा बिहारे चीनगु
संत्यस चूडामणि व देवता पिनिगु मुति भङ्ग जुष्टु स्वंगु संत्यस चवे
साविक पञ्च बुद्ध या मुति ववे चारघाम या मुति व श्री आर्य तारादेवी
पिनिगु मुति सहित स्थापना याना जिर्णोद्वार यानागु जुल ॥ न्हापा
ने. सं. १९०० साले श्री. पं. बं. आशा काजि बज्राचार्य जुं अर्थ सहित
परिश्रम याना चवया बिज्यागु श्री आर्यतारा देवी यागु परिव्राण पाठ
पुस्तक ५०० गूः छापे याकागु मगागु लि स्वहे पुस्तके श्री प्रतिसरा
पाठ स्वस्ति बाधय व मङ्गलष्टव सहित थपू याना मेगु ५०० गूः छापे
याका ने. सं. १९०६ साल आश्विन शुक्ल पुन्हीया दिनस वसकर्म प्रतिस्था
या दिने जि मां स्व. लक्ष्मी माया बज्राचार्य या नामं स्व पुस्तक प्रचार
याय् दुगुलि चवमिगु यात सहश्र घन्यबाद यानागु दु ॥ स्व पुस्तक लाप-
र्षी मयास्ये सुरक्षित याना पाठ याना बिज्याई बिः धंगु पुर्ण आशाबु ॥
प्रेसया दोगु वःसा सचेयाना पाठ याना बिज्याहुं क्षमा ॥ थगु पुन्ये
पितृगण सकलें सुखावति भुबने बास लायेमा ।

इति श्री जगत प्राणियः जयः

शान्त रत्न बज्राचार्य टेङ्गल



प्रकाशक:-

शान्तरत्न वज्राचार्य

टेङ्गल



अबु जोगमान वज्राचार्य

जन्म तिथि:— बि. सं. १९४२

स्वर्गीय:— बि. सं. २००१



बाज्या जोतिराज वज्राचार्य

जन्म तिथि:— वि. सं. १९१६

स्वर्गीय:— वि. सं. २००३



डॉ. जहा बडी (गताशक्ति) बटनगर
सत, श्री बल्लु विद्यान (जब बहादा!)

स्वयम्भुवेनमः

नमो भगवते तथागतायार्हते सम्यक संबुद्धाय
भगवान् तथागत अर्हत् सम्यक संबुद्धयात् नमस्कार

गुरु वन्दना

बौद्ध बिद्वान् आचार्य्य अद्वयवज्रं बोंगु अद्वयवज्र
तंत्रे थथ्येदु ।

गुरु बुध्दं गुरु धर्मं गुरु संघं तथैवच ।
गुरु वज्र धरं चैव गुरु सर्वान्नमाम्यहम् ।

अर्थ

गुरु बुद्धयात्, गुरु धर्मयात्, गुरु संघयात्, थथ्येहे
गुरु वज्रधर यातनं मेपि सकल गुरु पिन्तनं जिनं
नमस्कार याता ।

प्राशिका

आकाश धातु पर्यन्ते स्थिता ये सर्व प्राणिनः ।
उत्तमं ते नाथापदं प्राप्नुवन्ति विचिन्तयत् ।१।

तेषामेव च ह्यथेन शुद्ध चर्यं करोम्यहम् ।
त्रिकाले स्मरणं चापि सर्वं लोकहिताय च । २ ।

अर्थ

आकाश धातु गन्तक दया चोनि अनन्तक प्राणिपि
दइ । थुजापि प्राणिपिन्त उत्तमगु उच्चपद लाके धका
चिन्तना याता (१) थुमिगु निम्ति शुद्धगु बुद्ध चर्यं
जिनं याय् त्यता, सकल लोकहित यायेकेमा धका-सुथे
न्हिने, वहनी स्वंगु प्रहरेनं नित्य लुमंका चोना (२)

अष्टांग प्रणामया वाक्य

नम रत्न त्रयाय, नमो मंजुश्रियै, नमः सुश्रियै,
नम उत्तम श्रियै स्वाहा

अर्थ

बुद्ध धर्म संघ (त्रिरत्न) स्वंग रत्न यात नमस्कार-
मंजुश्रीगुरु बोधिसत्व यात नमस्कार- सुश्रीबोधिसत्व-
यात नमस्कार- उत्तम श्री बोधिसत्वयात नमस्कार ।
(पृथ्वीस गोःतुला प्रणाम याय्गु ।)

रत्न मण्डल बोहतप्ये वाक्य

अष्टशृंगं मयं मेरुश्चतुर्द्विपः प्रशोभितं ।
सप्तरत्नसमाकीर्णं ददे नूत्तरदायणी ॥ १ ॥

गुर वे बुद्ध धर्मभ्यः संघेभ्यश्च तथैवच ।
निर्यान्तयामि भावेन संपूर्णं रत्न मण्डलम् । २।

अर्थ

च्यासिलि लुयाशोंगु थ्व सुमेरु पर्वत खः थुकी प्यंगु
द्वीपं चाहुला बांलाना चोंगु ह्नेगरत्नं चाहुला चोंगु
लिपाथ्यंकनं कल्याण जुइगु जिनं सीका दान याना ।
गुरुयात बुद्ध धर्म संघ पिन्त भावतया (भक्ति याना)
थुगु रत्न मण्डल जिनं काय वाक चित्त शुद्धयाना
दोहलप्ये जुल ।

प्यंगु द्वीप सीके

१) पूर्व- याउपद्वीप २) दक्षिणे- राउपद्वीप
३) पश्चिमे- लाउपद्वीप ४) उत्तरे- वाउपद्वीप ।
हानं सीके । १) पूर्व- विदेह द्वीप २) दक्षिणे-
जम्बू द्वीप ३) पश्चिमे- अपर गोडाणीय द्वीप
४) उत्तरे- कुरु द्वीप ।

रत्न मण्डल न्हेग रत्न सीके

१) पूर्व, गजरत्न- तुयूह्य किसि २) दक्षिणे, ३२
लक्षण दुह्य पुरुष रत्न- गुवले बुढा ज्वीम्वाह्य । ३)
पश्चिमे, अश्वरत्न- वाउह्य द्वाया वनीह्य सल ।
४) उत्तरे, स्त्रीरत्न- ३२ लक्षण दुह्य बुढी ज्वीम्वाह्य

सुन्दरीह्य स्त्री । ५) अग्निकोणे, विदिगे चक्ररत्न-
सदानं हिला चोनीगु । ६) नैऋत्य कोणे, खड्ग रत्न-
चन्द्र हात् नाम जुया चोंगु रक्षाकारि शान्ति जूडगु,
(हिंसा याडगु खड्ग मखुः ।) ७) वायुव्य कोणे,
मणिरत्न- चिन्तामणि मनतुलागु पूर्ण ज्वीगु । ईशाने,
सर्वनिधान- अमृतं पूर्णगु कलश नापं च्याग द दुः ।

पापवेशना याये -- वावय बोने

अनादि मति संसारे जन्म न्यत्रैव वा पुनः ।
यन्मया पशुना पापं कृतं कारित मेव वा । १।
यच्चानु मोदितं किञ्चित् आत्मा घाताय
मोहतः ।

तदत्ययं देशयामि पश्चात्तापेन तापितः । ३।
रत्नत्रयेऽपकारोयो मत्ता पितृषु वा मया (पुन)
गुरुष्वन्येषु वा क्षेपात् काय वाग्वुद्धिभिः कृतः । ३।
अनेक दोषदुष्टेन मया पापेन नायका ।
यत्कृतं दारुणं पाप तत्सर्वं देशयाम्यहम् । ४।

ह्लापा जन्म जन्मात्तरे - अथवा थुगु जन्मेनं हानं
मोहं तोपुया चोंगुलीं पशुथ्ये जुया काय वाक चित्तं
मघाय्क पापयाना तयागु दु । मोहंयाना मेपिन्तनं
पाप याकागु बु । षष्ठी हे तूष्णांयाना मोह जुया यःत

थमनं मेपिन्तनं शरीरे घातक जुह्वेत वचनं अथवा
चित्तं हर्षं जुया पाप यानागु दु । आः जिनं सीका
पसंताप चायावल पाप यानागुलि दुर्गति मग्निगु गति
नरक भोग याना दुःख सिये मालिन धयागु न्यनागुलि
त्वाहिमानं ग्याका जिनं थुगु पाप देशना याना, तोपुया
तये मखुत धका थन वया प्रकाश याना । २।

त्रिरत्न अथवा मां अद्भुपिन्त जि क्रोधयाना, काय
वाक चित्तं अपराध [अन्याय] याना तयागु नं दु । ३।

हे नायकपि [नायोत] अनेक तालं दुष्ट जुया
दोषमाला पर यात दुःख पीर दिया राग द्वेष मोह
आदिस भुलेजुया भयानकं तःचोगु पाप याना तयागु
दु । थुजागु फुक पाप थन जिनं फोना नये थ्ये प्वंकः
वया छलपोल बुद्ध बोधिसत्व पिंगु न्ह्योने वया लाज
तोता बिन्तियावया । ४ । थुजागु पाप दोष फुकेगु धर्म
याये सिमधतले जि मृत्यु मज्जीमा धका विन्ति याना ।

कायकं त्रिविधं पापं वाचिकंतु चतुर्विधं ।

भानसां त्रि प्रकारेण तत्सर्वं देशयाम्यहम् । ५।

शरीरं स्वता ३, बज्जनं प्यता ४, मनं स्वता ३,
याना जित्ता प्रकारया [दश अकुशल पाप] दोष जिनं

जान्यं अजान्यं याना तयागु थ्व फुकं पाप देशना याना
विन्ति यावया ।

पूजा यथे----सप्त विधानं

१] अर्घ्यं २] पाद्यं ३] पुष्पं ४] धूपं ५]
दीपं ६] गन्धं ७] रसं- यतानि समर प्रयाम्यहम् ।

थुजागु शुद्ध चित्तं जितं- अर्घ्यं विद्या- तुति
लिचाय्का- स्वांछाया- धूप, दीप वचना कुसुंया ति
गन्धविद्या रस वस्तु पंचामृत सहितं तोर्मा देका
[सत्त्व] नैवद्यादि फल मधि दक्षिणा जिगु गछें छपिन्त
समर पण याना छेछाया जुल ।

पुण्यानुमोदन

लोक धातुषु नित्येषु यावन्त मसुरान् जिनाम् ।
कायेन मनसा वाचा तात्सर्वा देश याम्यहम् ।

अर्थ

स्वर्ग मर्त्य पाताल त्रिधातु भुवने गुलि वासयाना
चोपि बुद्ध बोधिसत्त्वपि दु । थुपि सकल यात काय
वाक चित्तं देशना याना, जिगु चित्त हर्ष जुइका चोना
यथ्ये हे थया पूजादि याइपि खनानं जि तस्सकं खुसि
बुया ।

पुण्यानुमोचना— वृ. स्व. तु— २ अ—

चतुर्दिक्षु स्थितान् बुद्धान् प्रार्थयामि कृताञ्जलि
धर्म प्रदीपान् कुर्वन्तु मोहा ददुःख प्रशानिनाम् ।

अर्थ

प्यंगु दिशाय् विज्यापि बुद्धपिन्त जिनं ह्लाः
बिन्ति याना प्रार्थना याये । मोहयार्के दुःख ज्वीका
खिउँसे चोंगु अन्धकार नरके कुतुं वना चोंपि पापितेत
धर्मया मत च्याका केना बिज्याहुँ ।

अध्येषणा

जिनान् श्रीशंभुनाथं च याचयामि कृताञ्जलिः ।
कल्पाणानन्ता तिष्ठन्तु माभूदन्ध मिदं जगत् ।

अर्थ

श्री स्वयंभुनाथ गुरु बुद्धपिन्त ह्लाः विन्ति याना
जिनं फोने । कल्प अनन्तसम [सत्य, त्रेता, द्वापर,
कलियुग तक] तं अन्ध विश्वास असत्य अज्ञाने लाना
मूढ जुया चोंपिन्त, थव संसार चक्रे चाहूले म्वाका
बिज्याहुँ ।

याचना

नमो बुद्धाय धर्माय शंशाय च स्वयंभुवे ।
त्रिरत्न मूर्तये नमो आदि बुद्ध स्वयंभुवे ।

श्रीस्वयंभुं मे शरणं रत्नत्रय स्वरूपिनम् ।
सर्वं प्रति दिशा मेऽद्य स्वयंभुवे कृतांजलिः ।

अर्थ

बुद्धयात, धर्मयात, संघयात, स्वयंभुयात, त्रिरत्न
मूर्ति स्वरूप जुया विज्याम्ह थ्व आदि बुद्ध स्वयंभुयात-
नं नमस्कार । श्री स्वयंभु त्रिरत्न स्वरूप आदि बुद्धया
शरण जि वया । थुजाह्य स्वयंभु यात ह्लाः विन्तियाना
थौं जितं सकल दिशा चाहुला थथ्ये फोना जुया ।

बोधिचित्तोत्पादन

मात पिता पितामहं मातुश्च प्रापितामहः ।
इत्यादि पूर्वगं गोत्रं सुखावति प्रगच्छत ।

अर्थ

माँ अबु आजु-माँया अबु आजु-तापा आजु अजि-
पिं समेत इत्यादि मेपि जिगु गोत्रया कुले ह्लापायापि
सकलें सुखावति बुद्ध भुवने वनेमा ।

बोधिचित्तोत्पादना

दत्त्वा ददामि संवोधौ चित्तं बोधात् देहिनां
भद्रं चर्यं चरिष्यामि सर्वसत्त्व हितोदयन् ।

अर्थ

मनुष्यपिंगु अथवा देवगणपिंगु नं शरीरया शोभा

छुख:- गुह्यसिनं संबोधि चित्तम बुद्धे जुईका चोनी
बोधिज्ञान दान बिया चोनि- कना चोनि- बोधिज्ञान
लाय्फेमा धका दान याना चोनि दान बिइका चोनि
थमं धन बिया दान याका चोनि- सर्वसत्त्व पिन्त हित
सुख य'य्त- भद्रचर्य्य [बुद्धचर्य्य] या ज्या याये धका
तोमफीक याइ- याकि- जिनंयाये धका याना वयनी-
थुजाह्यात- बोधिचित्त दुह्य धाइ ।

सप्त बिधान पूजाया क्रम म्हसिके

- १] वन्दन- शरीर भूमीस गोतुला प्रणाम याय्गु ।
- २] पूजन- अर्घ्य, पाद्य, पुष्प, धूप, दीप, गन्ध, रस
तया पूजा यायेगु ।
- ३] पापदेशन- ह्लापा, आः यानागु पाप पोंकेगु ।
- ४] अनुमोदन- पुण्य याय्गु, यागु, यानाचोंगु, खना
हर्ष जुइगु ।
- ५] त्रिशरण गमन- बुद्ध, धर्म, संघ (त्रिरत्न) शरण
- ६] अध्येषण- स्तोत्र बोनेगु, धर्मया खँ कनेगु, न्यनेगु ।
- ७] बोधि चित्तोत्पादना- बुद्ध ज्ञानया चर्य्य चोनेगु ।

त्रिशरण—त्रिरत्न शरण वनेगु

बुद्धं शरणं गच्छामि, धर्मं शरणं गच्छामि,
संघं शरणं गच्छामि । । बुद्धं शरणं वने-
धर्मया शरणं वने- तथा संघया शरणं वने ।

त्रिरत्न— बुद्ध धर्म संघ सीकेगु वाक्य—

गुरु मण्डल बोनेगुलि दु ।

सर्व बुद्धं नमस्यामि धर्मं च जिनभाषितं ।
संघं च शील संपन्नं रत्न त्रयं नमाम्यहम् ।

अर्थ

सकल बुद्धपिन्त नमस्कार याये, बुद्धपिसं कंगु
ज्ञानयात धर्म धाइ— थुकी उपाशकोपाशिका जुया शील
संपन्न जुया चोपिन्त संघ धाइ— भिक्षुपिनं खः ।

हानं थथ्येनं दु— तथागत धापि बुद्ध उपाय धाइ-
प्रज्ञा ज्ञान स्वरूप— प्रज्ञापारमितायात धर्म धाइ-
बोधिसत्त्वपिनि मालोक करुणामययात संघ धाइ ।

पञ्चशील प्रार्थना बोनेगु सीके

१) प्राणाति पाता बेरमणि शिच्चापदं समादियामि

अर्थ

जि प्राणिपि हिंसा कर्म याय्गु गुत्रले याय् मखुः
धका शिक्षा कया थथ्ये शील धारण याये जुल ।

२) अदत्ता दाना वेरमणि शिच्चापदं समादियामि ।

अर्थ

जि मबीकं परया धन मखंक काय्गु गुबलें याय् मखु धका शिक्षा कया शील धारण याये जुल ।

३) कामेषु मिथ्याचारा वेरमनि शिच्चापदं समादियामि ।

अर्थ

जि कामराग घाना परस्त्री, स्त्रीपिसं परपुरुष नाप भोग याय्गु ज्या गुबलें याय् मखु धका शिक्षा कया शील धारण याये जुल ।

४) मिथ्यावादा वेरमणि शिच्चापदं समादियामि

अर्थ

जि मखुगु झुठा खं ह्लाय्गु ज्या गुबलें याय् मखुः धका शिक्षा कया शील धारण याये जुल ।

५] सुरामेरय मज्झप्रमावट्टाना वेरमणि शीच्चापदं समादियामि ।

अर्थ

जि मद्यपान याय्गु ज्या बुद्ध बोधिसत्त्वादि श्रित्त पजाया चर्ये प्रयोग घाना, तोनेनं मखु धका शिक्षा कया शील धारण याये जुल । थुलि पञ्चशील जुल ।

आः अष्टशिले थव स्वंगु सीके

६) अकाल भोजन वेरमणि शिच्चापदं समादियामि

अर्थ

जि बाह्लि लिपा [लालागु इले] भोजन याद्गु
ज्या याय्मखुः धका शिक्षा कया शील धारण याये
जुल ।

७) नृत्य गीत वादित विमुख दर्शन माला गन्ध
विलेपन धारण मण्डल विभूषण प्रमट्टाना वेरमणि
शिच्चापदं समा दियामि ।

अर्थ

जि प्याखं हुलेगु, म्ये हालेगु, बाजं थायेगु, चित्त
चंचल ज्वीगु अनेक दृश्य [स्वेगु] तिसांतीगु, कोखाय्गु
शरीरे नस्वावगु इलेगु ज्या तोत्येगु शिक्षा कया शील
धारण याये जुल ।

८) उच्चाशन महाशयन वेरमणि शिच्चापदं
समादियामि ।

अर्थ

जि तःजागु लासा खातास चोना छनेगु ज्या याय्
मखुः धका शिक्षा कया शील धारण याये जुल ।

थुजागु उत्तम चर्य बज्रसत्व (आदि बुद्ध भगवान् गुरु) चक्रसम्बर रूप जुया, बज्रगर्भ- बज्रपाणि- गुणाकर- आदि आपालं बोधिसत्वपिन्त दिक्षा काय्त्त ह्मापालाक पंचशील अष्टशील बिया बोंका कना बिज्यागु प्रमाण, काल चक्रतंत्र, ३ पटले थथ्ये दु ।

हिंसाऽसत्यं परस्त्री त्यजस्व परधनं मद्यपानं तथैव ।
संसारे बज्रपाशं ह्य कुशजं निधनं पापमेतानि पंच ।

अर्थ

१) प्राणि हिंसा २) झुठा खँ ह्मायुगु ३) परस्त्री, स्त्रीनं परपुरुष नाप भोग याय्गु ४) परया धन मखंक लोभं हरण यायेगु ५) मद्यपान याना लालाथ्ये हाता सना ज्वीगु थ्व न्याता संसारे बज्रपाशं देव, मनुष्य, दैत्य गणपिन्त चिनातंगु तुल्य खः । थुजागु अकुशल अयोग्य असिद्धि जुया, मान बुद्धि हीन जुइगु दुःख भोग याय् मालीगु, थ्व न्याता पाप खः । याय् मते धया विज्यात ।

थुगु प्रकारं हानं छुं लिपा भगवान् चण्ड महारोषण गुरुं बोधिसत्व पिन्त न्हापालाक दिक्षा काय्त्त पंचशील अष्टशील बिया बोंका स्यना कना बिज्यागु प्रमाण करवीर चण्डमहारोषण तंत्र ३ पटले दु ।

मारणं चौरिकां चापि परपत्नी मृषावच ।
त्यजामि सप्यवत्सर्व पंचमं मद्यमेवच ।

अर्थ

१) प्राणी हिंसा २) अवत्ता दान खुंज्या ३) पर-
स्त्री-स्त्री नं परपुरुष नाप भोग याय्गु ४) झुठ्ठा खं
ह्लाय्गु ५) अहंकार क्रोधो जुड्गु मद्यपान याय्गु ज्या
श्व न्याता पाप कर्म सर्पयात त्याग याय्थे त्याग याय्
जुल ।

अष्टशील धारण—प्रमाण

मृत्यु गीत विभूषांच वर्जयिष्यामि सोत्सवा ।
उच्चशय्या महाशय्या विकालेऽपिच भोजनम् ।
एवं पोषध मष्टांग अर्हता मनुशिष्यया ।

अर्थ

६) प्याखं हुलेगु, म्ये हालेगु, तिसां तीगु ७) तः
जागु लासा खातास चोनेगु, द्यनेगु ८) बान्हि पुडका
सालागु ईले भोजन यायगु (कुशमये नेगु तोनेगु)
ज्या त्याग याये जुल ।

थुगु उपोषध नियम च्याता अंग पूर्णयाना शिक्षा
ज्ञान विक्षाचर्य याय्मा धया बिज्यात ।

एवं प्रकारं गंभीरगु बुद्धयान, प्रज्ञाशील समाधि
धारण याना दशांकुशल पाप याय् मज्जुः दश कुशल
चर्य याय्मा धया बिज्याह्य, गुरु गुणाकराचार्य उपा-
शकोपासिका शिष्य यजमानपिन्त उद्धार याय्गु निम्ति-
पुनः बौद्ध धर्म समाज सुधार जुइगु ज्या याना वचना
स्यना बोंका वंथ्ये—

नेपाले विद्यमान जुया चोंगु बुद्धालय खः बहि,
बाहा, बिहार पत्तिकं आचरण गुलि बांला, बुद्धिष्ठ
बज्राचार्य शाक्य कुलया काय्पिन्त चूडाकर्म याइबले
अष्टशील बिया चीवर वस्त्रं पुंका पिण्डपात्र लःल्लाना
भिक्षु याय् धुंका— गुरु मण्डल दंकीबले मांस, मदिरा,
सम्हेबजि मथीकुस्ये, नैवद्य पंचामृत तथा बज्राचार्य
गुरुपिसं बौद्ध धर्म बांलाक सुधार याना वन । हानं
त्रिपिटकचार्य लामा गुरु तथा भन्ते (भिक्षु) गुरुपिसंथे
सेका सीका स्वभाव शुद्ध जुया धर्मोपदेश बिया परि-
त्राण पाठ याय्गुलिनं बांलाक कुत्त याना बिज्यात
सकसिनं धन्य प्रशंसा यागु न्यनेदु ।

आर्य्यतारा देवी नमः

आर्य्यतारा देवीयात नमस्कार

आर्य्यतारा देवी स्तुति, परित्राण पाठ

थुकि सछिव च्याह्य १०८ तारापिनिगु नाम
उच्चारण दु ।

- इलोक तथा अर्थ सहित -

ध्रोमत् पोतल केरं वे नाना धातु विराजिते ।
नानाद्रुम लटाकीर्णे नानापंक्षिनी कूजिते ।१।

विश्वे पश्चिम दिशाय् ऐश्वर्य्य संपन्न जुया चोंगु
पोतल नाम उच्चगु पर्वत छगु दयाचोन । उगु
स्थाने अनेक प्रकारया धातु वस्तु रत्न सहित जुया
चोन । सोके हेरा, स्फटिक, मोति, शिपि, भिपु, पुष्प-
राज, पन्ना, बंदुर्य्यमणि, माणिक, नील, भिपु, सुवर्ण,

बह, सिज, गन्धक, हरिताल, कैं, लोहं इत्यादि थुजा-
गुलिं पूर्णजुया चोंगु । हानं अनेक प्रकारया सिमा
फलसया चोंगु, हानं सुगन्ध वासना वगु जातं जातया
स्वां होया सोभाय मान जुया चोन । हानं लता लहरा
थाहाँवया किकिनीजाल प्यना तगुथें बांलाना चोन ।
सिमावत्तिकं अनेक कोकिल झंग पक्षिपि जुना थःयःगु
स्वरं हाला चोंपि यक्व दया चोन । १ ।

नाना निर्भर भंकारे नानामृग समा कुले ।
नाना कुसुम जातीभिः समन्ता दधि वासिते । २ ।

थुगु पोतल पर्वते निर्मल स्फटिक समानं शुद्धगु
थाय थासे लःया धारा वतहां बया चोन । हानं बांलागु
शुद्धगु नस्वावगु जातं जातया पुष्पवर्ग पारिजात या
स्वां यलको स्वां, घौ स्वां, पले स्वां, उफो स्वां, सुक-
न्दरा स्वां, चस्वां, चंपक स्वां, जो स्वां, केतकी स्वां,
अश्वे स्वां, कपु स्वां, डाफो स्वां, अपराधे स्वां, धंस्वां,
गुलाफ स्वां, तगु स्वां, तंलाय् स्वां, भिलाय् स्वां, काः
स्वां, लुंगजु स्वां, लवं स्वां, गोडावरी स्वां, कुमं स्वां,
केशर स्वां इत्यादि होया बने सकभनं आनन्द जुया
चोन । अष्ट सुगन्ध संयुक्त जुया चोंगु थुगु पर्वतस
समन्त भद्र तथागत अधिष्ठान दानातगु जुया चोन । २ ।

नाना हृद्य फलोपेत पटपदोंगीत निस्वरैः ।
किन्नरै मधुर गीतै र्मन्त वारण संकुलैः । ३ ।

हानं रसयुक्त जुड़क पाके जुया चोंगु नस्वाःवगु
बांलागु फल खनेवं हे मन आनद जुईगु अतिनं मनोर-
मगु नय्वले स्वाद दयाचोंगु (तच्चकं सागु) फंसि,
कटह, खरवुज, मेवा, केरा, धाले, अं, पासि, अमासि,
गुलाफ, जंम्वा, ईत्यादि आपालं फलदथा चोन ।
थुजागु फल स्वांया रसतोना म्येहागु थ्ये चोंक भ्रमरा
(भ्रम) आपालं हाला चोन । हानं किन्नर गणपितं
मधुर शब्दं चित्तयात शीतल जुड़क राग कया म्ये
हाला चोन । हानं मत्ताहापि किसितेसं चाहुला बने
थोक हाला चोन । ३ ।

सिद्ध विद्या धर गणै र्गन्धर्वैश्च निनादीते ।
मुनिभि वीतरागैश्च सततं संनिसेविते । ४ ।

तपंपुरे जुया अष्टसिद्धि दुपि सिद्धगणपि विद्याधर
गणपि गन्धर्व गणपि चोना गीत याना (म्ये हाला)
तपं पुरेजुपि तपयाना चोंपि मुनिश्वर महर्षि ऋषिगण
पि मुना वारंवार ताराया नाम उच्चारण याना सेवा
याना चोन । ४ ।

बोधिसत्त्व गणैश्चान्यै दभृमंश्चरै रपि ।
आर्य्य तारा दिभि देव्यै विद्याराज सहस्र कैः । ५

बोधिसत्त्व गणपि क्षिगु भुवने वासयाना चोपि,
बज्रपाणि बज्रचन्द्र, वज्रविनायक मंत्रि आदि विद्या-
राज धैपि द्रुलंदोवया थुगु पर्वतम वास याना चोन ।
हानं म्येपिनं नीछह्य वया आर्य्यंतारा लुमंका थुगु
पोतल पर्वते बिज्याना चोना । ५ ।

क्रोधराज गणैश्चान्यै हयग्रीवादिभि वृताः ।
सर्वसत्त्व हितो युक्ता भगवान् वल्लोकिताः । ६ ।

क्रोधराजया गणपि हान म्येपि हयग्रीव आदि पिमं
चाहुला चोन । थुगु थासे सकल सत्त्वपिन्त हित सुख
जुइगु ज्ञान न्यने धका इच्छा याना चोपिनं आपाल
योग्यपि ज्ञानि जन धापि वया थुगु थासे बिज्याह्य
अमिताभ तथागत भगवान् तथा म्येपिनं लुमंका
पूजायाना वसपोलया खाः सोया विन्तियाना चोपिन
यकोदया चोन । ६ ।

विजहार तःन श्रीमान् पद्मगभासने स्थितः ।
महता तपसा युक्तो मैत्र्याच कृपयान्वित । ७ ।

थनंलि उगु अवस्थाय् श्रीमान् जुया बिज्याह्य
भगवान् बुद्ध उगु पोतल पर्वत मध्ये (दथ्वी) पद्मगभंस

[पलेस्वांया दथ्वी] बिज्याना पञ्चासन यांना आपालं
तप यांना चोंपित पुनः तपं पुरे जुइ धुंकुपितनं थन तपं
संयुक्त याय् सिधेका बिज्याह्य तथागतं मंत्री भावं
करुणातया सकलयात स्वया बिज्यात । ७ ।

धर्म दिदेश तस्याच महत्या देव पर्षदो ।
तथोप विष्टमा गम्य वज्रपाणि महाशूनः ॥८॥

उगु वेलास अनथासे भगवान् बुद्धं धर्म उपदेश
बीत बुद्धिमान् जुया चोंपिनिगु खाः स्वया बिज्यात ।
थथे हे तःतःधंगु ज्ञानं दुपिन्तनं खा स्वयत्त छ्वालं
न्यायोने तथा आपालं बुद्धि वल ऋद्धि दुह्य जुया वज्र-
पाणि बोधिसत्त्व यात सःता आज्ञा जुया बिज्यात । ८ ।
परम कृपया युक्तः पप्र छत्य वलोकितः ।
तस्करोरग सिंहाग्नि गज व्याध्राम्बु शंकटे । ९ ।

भगवान् बुद्ध तच्चत कृपातया सकलयागु न खा
विस्तारं स्वया थथे अ ज्ञा जुल । हे बोधिसत्त्वपि सीकि
च्यागु भयं तरे ज्वीके यःसा आर्य्यतारा लुमंका सेवा
याये सेकि । छु छु भय धाःसा १] खुंया भय २]
सर्पया भय ३] सिंहया भय ४] मिषया भय ५]
किसिया भय ६] धुंया भय ७] लःया भय ८] वायुया
भय थ्व च्याता संकष्टगु अकस्मात् भयं मुक्कत जुइ । ९ ।

सीदन्त्यमी मुनेःसत्त्वा मग्ना संसार सागरे ।
बद्धा संसारकः पाशै राग द्वेष तमोभयेः । १०।

भगवान्पा कृपां सत्त्व पित्त धया बिज्यात । हे
बोधिसत्त्वपि ! श्व संसार सागरे दुना चोंपि, छुय्ये
सोकि आपालं दुर्गन्धगु फोरगु जन्तुपि दया चोंगु भुतु-
नाले वतुना दुवेजुया चोंपि । हानं संसार यागु मिथ्या
दृष्टिया पाशं चिना तपि धागुया अर्थ थुइकि, राग,
द्वेष, मोह, माया, काम, क्रोध, लोभ, तृष्णा श्व च्याता
यागु खिपतं चिना भापिये मफय्का तल । हानं थुजोगु
पापं याना लिपा उगले चूं न्हुया दाया कुना सास्ति
याना तपि, थुजा पित्त नं उद्धार जुइगु तथागत बुद्ध-
ज्ञान खः ।

तथागत यात प्रोत्साह वो फुह्य आर्यदतारा लुमंकेगु
दर्शन, पूजा, पाठ, स्तुति, जाप, ध्यान याय्गुलि,
अलासि मजुल धासा, थुजागु दुःखं मुक्त जुया उद्धार
जुइ । थय्ये सोका जिनं ह्लापा ह्लापाया जन्मे स्येवा
याना वयागु दु । १० ।

मुच्यन्ते येन सत्त्वाश्च तन्मे ब्रुहि महामुने ।
एव मुक्ते जगन्नाथ स भोमानवलोकितः । ११।

गुह्यजा भगवान् बुद्धं थय्ये धया बिज्यागु खं

न्यना सकल न्ह्योने चोंपिसं विन्तियाना धाल । छलपोलं
 आजा जुया बिज्यागु न्यना जिपिं अतिनं खुसिजुल ।
 सुनां थ्वखं सोका चोनि, सत्व प्राणीपिं गुवले थुजागु
 दुःखं मुक्त जुइगु- थ्व खं थन सकलयात उपदेश वीगुलि
 छलपोल छह्य हे जक लाय्क ह्य खना धया सकासनं
 भगवान् बुद्धयात स्वयाचोन । ११ ।

उवाच मधुरा वाणो बज्र पाणि प्रबोधिनि ।
 शृणु गुह्यक राजेन्द्रोऽमिताभस्य च तायिनः । १२ ।

भगवान् बुद्धं चाकुस्ये चोंगु वचनं आजाजुल, हे
 बज्रपाणि, हे गुह्यक, हे राजेन्द्र, छन्त कने त्यना छं
 एकचित्त याना न्य तथा म्येपिसनं न्य । अमिताभ तथा-
 गतं न्हापा छन्त बोधयाय्त कना वंगु नं दु । १२ ।

प्राधिधान बोमत्पन्ना ममाज्ञा लोकमातरः ।
 महाकरुणयो प्येता जगदुद्धरणो द्यताः । १३ ।

हे बज्रपाणी बोधिसत्व । थ्व खं कनेत्यना कना-
 चोनागु नं दु । थ्वहे कनागु जिगु वचन न्यना- भगवान्
 बुद्धया आज्ञानं धाइ - धया चोंगु नं दु । थ्व खं न्यगु
 प्रभाव लोकया मां धाय्का चोंह्य - अथवा चोंपि

आर्यतारा गुलिदु रुकसिनं महाकरुणा उत्पत्ति याना
बिज्यात । १३ ।

उदितादित्यसंकाशा पूर्णेद्र वदन प्रभा ।

भाषयन्ति इमां तारा सदेवासुर मानुषान् । १४ ।

हे बोधिसत्व बज्रपाणि । श्व आर्यतारा गथ्ये
प्रकाश जुष धाःसा, सूर्य्य प्रकाश जूथ्ये, हानं पुन्ही
खुन्हु रात्रिश पूर्ण चन्द्रमा प्रकाश जुइथ्ये, प्रकाश मान्
जुया, देव, दैत्य, मनुष्य पित्त दर्शन वीगु कारणे,
स्वर्ग मर्त्य पाताल थ्यंक तेज प्रकाशयाना वयना
विज्यात । १४ ।

कपयन्ति त्रयो लोकान् त्राशयन् यज्ञ राज्ञसान् ।
नीलोत्पल करादेवी मांभै मांभै रितिब्रुवन । १५ ।

आर्यतारा प्रकाशमान् जूवले स्वर्ग मर्त्य पाताले
चोपि थर थराय मानं ग्याना चोपि देव, दैत्य, मनुष्य,
गणपिसं लिपा सीका प्रणाम यात (हान स्वंगु लोक
कंपजूगुलि यक्ष राक्षस गणपिनं ग्याना लिपा सीका
प्रणाम यात । वचुगु पलेस्वां ज्वना बिज्याह्य आर्यतारा
देवी नं सकलयात स्वया ग्याय्मते ग्याय्मते थया
बिज्यात— सकसिन उफोस्वां ज्वनावया चढेयात । १५ ।

जगत्संरक्षणं धीयः अहं मुत्पादि तर्जनैः ।

कान्तारे शस्त्रं संपाते नानाभयं समाकुले । १६ ।

वज्रपाणि बोधिसत्त्व न्यंकल भगवान् बुद्धं जगत्
रक्षां यायत ज्ञानं कना विज्यागु । लोकापि ग्याना
चोनि ग्याय् मते धया बिज्यात । थःथःगु कर्तव्य
बांलाकेमा न्यंकावा धका जित धया विज्यात । उकिं
न्यंरु वया । संसारं धयागु तधंगु वने अनेक तालं
सस्त्रं अस्त्रं ज्वना चोपि मारया गणपि सिपाहीत यको
दुः । मुलाचोन । थुमिगु भयं नानाप्रकारया आकुल
व्याकुल प्राणीतेत जुया चोंगु दुः । थुमिगु थासे अष्ट
महाभयं दुः । उजागु भयं तरे यायेत, बुद्धं ज्ञानं विना
तरेजुइमखुः । सोकि— आर्यतारा सेवायानागु प्रभावं
नं उगु भयं फुकं मुक्तं जुया वनि । १६ ।

स्मरणा देवनामानि सत्त्वा रक्षां मयहं सदा ।

तारयिष्याम्यहं सत्त्वा नाना भयं महाणवाम् । १७ ।

भगवान् बुद्धं धया बिज्यागु थथे खः । सोकिधया
वज्रपाणि बोधिसत्त्व सकलयात न्यंकल । बुद्धं ज्ञानं
धरे याना चोपि आर्यतारा लोकेश्वर बोधिसत्त्वपि
तथा बभुन्धरा म्येम्येपि सकसिनं लुमंका चोन । उजा-
पि सन्वपिन्त सदानं जितं रक्षां याये जुल । नाना

प्रकारया भयं व्याप्तमानं जुया त्रिंशु श्व संसार समुद्रं
तरे यायेगुलि सत्त्वपिन्त करुणा दृष्टि स्वया जिनं तरे
याना वी जुल - हान आर्यतारा नं लुमंकी । १७ ।

तेन तारेति मां लोके गायन्ति मुनि पुंगवा, ।

कृतांजलि पुटोभूत्वा तत्र सादर सादृशा, । १८ ।

अथ्येया निमित्त तःतःधर्षि मुनिश्वर महर्षि तप-
धारि बोधिसत्त्व देवतादि देवकन्या अप्सरा गन्धर्व
किन्नर विद्याधर महोरग इत्यादि बौद्ध विद्वान् आचा-
र्य भिक्षु गणापि सकसिनं आर्यतारा लुमंका हे तारे
मां हेतारे हेमाँ- छलपोलं जित जिपाशा समान् म्येपि
सकलयात नं श्व लोके चर्वोपिन्त नं पाकनं संसार
सागरं तरेयाना विज्याहुँ । अथ्ये धया छगु हे स्वर-
याना भक्तितया म्येहाला आदर तथा ह्लाः विन्तियाना
भावयाना घोन । १८ ।

ज्वलन्तोह्यन्तरिक्षस्था इदं वचन मवदीत् ।

नामाष्ट शतकं ब्रुहि यत्पुश कीर्तिना जिनै । १९ ।

अत्यन्त उज्ज्वल ज्वीक तेज प्रकाशयाना वशदिग
सकभनं खेका भगवान् बुद्धं आजादेकल । आर्यताराया
नाम सखि व च्यागु (१०८) दु । ह्लापायापि जिन

भगवान् पिसंनं धै बिज्यानावंगु थथ्ये खः धया बज्र-
पानि बोधिसत्व यात न्यंकल । १९ ।

दशभूमीश्वरै नार्थै वोधिसत्व महर्द्धिकैः ।
सर्व पाप हरं पुण्यं मागल्यं कीर्ति वर्धनम् । २०

झिगु भूमि चोपि बोधिसत्वपिसं, आपालं तेजं
सहितपिं तपश्चि गणपिसं धै बिज्यागु दु, बुद्ध भगवान्
या वचन शिरे तथा आर्यताराया नाम थथ्ये धका
उच्चारण यानाकयना । सुनां ताराया नाम काइ, वया
फुक पापफुना पुण्य प्राप्त जुइ । मंगल कल्याण जुया
यश बढे जुइ । २० ।

धन धान्यकर श्रैव आरोग्यं पुष्टि वर्धनं ॥
आयु रारोग्य जननं सर्वसत्त्व सुखा वहम् ॥ २१ ।

हानं धन संपत्ति अत्त बृहि नं पूर्ण जुइ, लक्ष्मीनं
वास याह्य जुइ, रोगं मथ्यूह्य जुइ, शरीर हृष्ट पुष्ट
जुया बांलाह्य जुइ । आयुर्दा यकोदया म्वाना चोनि ।
निर्मल शरीर तेज दुह्य जुया सुख आनन्दं भोग घाइ ।
सकसिनं माने याका चोने दैः । जहान् इष्ट मित्रपिन्त
नके तोंके पुंके फुम्ह मालिक जुइ । २१ ।

लक्ष्मी श्री स्थापकं चैव सर्वसत्त्व विवर्धनं ॥

मैत्री मालंढ्य सर्वानां तत्कीर्तय महामुने । २२॥

लोकपि सकलं थःगु वसे वइ छे लक्ष्मी स्थीरं
चवनी । लोकं माने याइ, सिद्धि दइ पुण्यनं दं— चतुर्वर्ग
अनेक जाति पिसं सदानं करुणाचित्त तथा रक्षायाइ
क्षमा तै— थथ्ये भगवान् बुद्धं आज्ञा जुया मुमुहुं हिला
विज्यात । २२ ।

एव मुक्तैऽथ भगवान् प्रहसनवले कितः ॥

व्यव लोक्य दिश सर्वा मैत्र्यास्फरणया दृशा २३॥

थथ्ये धया — हानं भगवान् बुद्धं बांलाक न्हिला-
कयन । थनंलि लिसा कया न्हिला कयन— न्हिला सक-
भनं दिशास मैत्रि भावं स्वया विचारयानां विज्यात,
सुनां सुनां ताराया नाम कया चोन जुइ इत्यादि थथ्ये
खः । २३ ।

दक्षिण कर मुध्दत्य पुण्य लक्षण मण्डितं ॥

तमुवाच महाप्राज्ञ साधु साधु महातम ॥

नामा उच्छृणु महाभाग सर्वसत्त्वैक वत्सला । २४॥

भगवान् बुद्धं जगु ह्लाः च्वे थछोया सकल यात
संबोधन याना न्यंका— हानं लक्षणं सहित म्ह बज्रपाणि
बोधिसत्त्व यात स्वया धया बिज्यात ।

हे महाप्राज्ञ, आपालं सीका चोम्ह, छ साधु साधु
 छः हे महातप तच्चतं तयाय् सम्ह, तपनं याय् धुकूम्ह
 हे महाभाग-आपालं भाग्य मानिम्ह, हे सर्व सत्त्वैक
 वत्सल- सकल सत्त्व गि उध्येंखना चोनेफुम्ह, अमोघ-
 सिद्धि थ्येंजाम्ह बुद्धया पुत्र, प्राणी उद्धार याय्त भिगु
 ज्ञान न्यना कनेगुलि नं मुख्य म्ह वोर पराक्रम सयु-
 क्तम्ह शिष्यमध्ये नायजुया चवोंम्ह, वज्रपाणी लं एक
 चितं न्य आर्यतारा या नाम गुलि दुः वखं वांलाक
 सीकि । २४ ।

यानि संकीर्ति मनुजा संम्यक् तेभ्यु धनेश्वराः ।
 सर्वं वयाधि विनिर्मुक्ता सर्वैश्वर्य गुणान्विता । २५

हानं सीकि गुगुरुपं नाम काय्गु दत्त उगुरुपं नाम
 उच्चारणया भिनकं संपत्ति दइ । आपालं धन देकेत,
 रोग मजुइकेत, ऐश्वर्य जुइत, भाग्यमानी जुइत, धनया
 ल्वेक ज्ञान बुद्धि देकेत, पुत्र पुत्रोपितं असलपि जुइकेत,
 थुगु बुद्धयाने चवना आर्यतारा नाम काय्गु सो । २५।
 अकाल मृत्यु निर्दग्धा च्युतायान्ति सुखावतिं ।
 तान्य हं संप्रश्नान्मि देवसांवाः शृणोऽथमे । २६।
 अनुमोद भवे तदवा भविष्य ध्वं सुनिर्वृताः । २७।

हानं अकाल मृत्यु मदेकेत - ज्वर रोग इत्यादि
मदेकेत, जन्म कावयेम्वाकेत, सुखावति नाम बुद्ध भवने
वास यावनेत थवसपोनया वर्णन (खँ) बांलाक कने,
एक चित्तान्य । खुसि जुइत जुइकेत, । २६ ।

मोक्षपद लाय्त शुद्ध मनयान्त आर्यतारा नाम
कया जुइ फेकि म्येपिन्तनं कने फेकि । २७ ।

आर्यताराया धारणी तथा मंत्र

ॐ लोचने सुलोचने तारे तागेद्धवे सर्वं भत्वा
नुकं पिनि, सर्वं सत्त्वोत्तारणि सहस्र भुजे सहस्र
नेत्रे । २८ ।

ॐ नमो भगवते अवलोकय २ माँ सर्वतत्त्वानां च
हूँ फट् स्वाहा । ॐ तारे तुत्तारे तुरे स्वाहा । २९ ।
ॐ शुद्धे विशुद्धे सुगतात्मजे मैत्रीहृदये निर्मले
श्यामेश्याम रूपिणि महाप्राज्ञे प्रवर विभूषिते । ३० ।

संक्षिप्त ग्रन्थ

ॐ चूडामणि मंत्रयात नमस्कार । हे लोचने
बांलागु मिखा दुःख । । हे सुलोचने: बांलागु स्वंग मिखां
स्वंगु लोके सोइह्य । । हेतारे दुःख तरे याइम्ह । ।

हे तारोद्भवे, दुःख फुका सुखवीह्य । हे सर्वसत्त्वा
नुकं पिनि, सकल सत्त्व प्राणीपिन्त कृपा तया बिज्याह्य
॥ हे सर्वसत्त्व तारिणि, सकल सत्त्व पिंगु उपरे करु-
णातया दुःख फूका बिज्याइम्ह । । हे सहस्र भुजे,
भिगु ज्या वयनेत द्वछिका ह्लादुम्ह । । हे सहस्र नेत्रे,
ज्ञानया मिखा द्वछिग दुम्ह । २८ ।

ॐ कार मंत्रयात नमस्कार । हे भगवते, भगवती
धाय्का चोम्ह । । हे अवलोकय २ स्वंगमिखां बांलाक
स्वया विज्याम्ह छलपोल खः । माँ जित, सर्व सत्त्वा
नांच, सकल सत्त्वपिन्त नं, रक्षा याय्त स्वया बिज्या-
म्ह । । हूँ फट् स्वाहा, अतिनं गभीर जुया चोम्ह
धका विद्वाँन् पिसं प्रख्यात यानातम्ह । । ॐ कार यात
नमस्कार- हे तारे- तरे याइम्ह । । हे तुत्तारे, मढं क
ज्या याता चोपिन्तनं याकनं तरे याइह्य । । हे तुरे,
अहिंसा कुशल मूल कर्म याइपि धर्मात्तु पिन्त दर्शन
विया मोक्ष छोइम्ह । । हे स्वाहा कार जिगु भक्तिया
स्वाँकया विज्याहूँ छलपोल प्रज्ञा स्वरूप खः । २९ । ० ।

ॐ कार यात नमस्कार । हे शुद्धे, शुद्ध निर्मल
जुया चोह्य । । हे विशुद्धे, मभिगु फुका भिगु कुशल
कर्म शुद्ध स्वभाव जुया चोह्य । । हे सुगतात्मजे,

भगवान् बुध्दया शामवे चोँपि सकलया (बोधिसत्व
पिनि) माँ स्वरूप जुया चोँम्ह । । हे मैत्रि हृदयें, करु-
णाया नुग जुया चोँम्ह । । हे निर्मले, पाप दोषया
खिति प्ये मपुंम्ह । । हे श्यामे, गुवले वांगु वणं कयनी-
म्ह । । हे श्यामरूपिनि, वांगु रूप धरे याना वांगु वस्त्र
तिसांतिना चोँम्ह- हे महाप्राज्ञे, गंभीरगु प्रज्ञा ज्ञान
धारण याना चोँम्ह । प्रवर विभूषिते, झुठ्ठाबुद्धि-
अहंकार अभिमान मदुपिन्त ज्ञान वरदान विद्या शील-
या तिसां तिया बिज्याम्ह । ३० ।

★

अनंनिस्ये आर्यताराया (१०८)

स्त्री वाचक शब्द नाम सीकेगु

मूल

अपराजिता महारौद्री विश्वरूपी महावक्त्रा । ३१ ।

अर्थ

- १) अपराजिता, भयंकर मार भय यात त्याका चोँम्ह ।
- २) महारौद्री, तच्छक पराक्रम कयना ग्यानापुम्ह ।
- ३) विश्वरूपी, रांसार व्यापक जुया चोँम्ह ।
- ४) महावक्त्रा, तस्सकं वक्त्र वी फुम्ह ।

मूल

ॐ कल्याणि महातेजा लोक धात्री महायशा ।
सरस्वती विशालार्चा प्रज्ञाभ्री बुद्धि वदिनी ।३२।

अर्थ

- ५) ॐ कल्याणि, गंभीर कल्याण स्वरूपम्ह ।
- ६) महातेजा, आनन्दगु आपालं तेज दुम्ह ।
- ७) लोक धात्री, लोकया माँ स्वरूपम्ह ।
- ८) महायशाः तच्चतं नां दुम्ह ।
- ९) सरस्वती, विद्याया मालीक ह्य ।
- १०) विशालाभ्री, फुक खनीगु मिखा दुम्ह ।
- ११) प्रज्ञा भ्री, ज्ञानया तिनांतिया बांलाका चोंम्ह ।
- १२) बुद्धि वदिनी, बुद्धि वढे जुया चोंम्ह ।

मूल

धृतिदा पुष्टिदा स्वाहा ॐ कारा कामरूपिणी ।
सर्वसत्त्वहितोयुक्ता संग्रामे तारणी जया ।:३।

अर्थ

- १३) धृतिदा, गौरवगु ज्ञान धारण याना चोंम्ह ।
- १४) पुष्टिदा, हृष्ट पुष्टं बांलाम्ह ।
- १५) स्वाहा, दाताजुया स्वाहाकार जुयाचोंम्ह ।
- १६) ॐ कारा, सून्यगु ज्ञान फुकं सिया चोंम्ह ।

- १७] कामरूपिणी, बुद्ध ज्ञानया कामरूपम्ह ।
 १८] सर्वसत्त्वहितोयुक्ता, सकल सत्त्व पिन्त हित-
 याइम्ह ।
 १९] संग्रामे तारणी जया, संग्राम काय्ये जिते-
 याइम्ह तारणी ।

मूल

प्रज्ञापारमिता देवी आर्यतारा मनोरमा ।
 दुंदुभी शंखिनी पूर्ण विद्या राज्ञी प्रियंवदा । ३४।

अर्थ

- २०] प्रज्ञापारमिता, प्रज्ञा ज्ञानंपार जुयानं पुला-
 वंम्ह ।
 २१] देवी, स्त्री जुया विज्याम्ह ।
 २२] आर्यतारा, आर्य्य गण पिन्त तरे याइम्ह ।
 २३] मनोरमा, अतिनं वांलाम्ह ।
 २४] दुंदुभी, दुंदुभि बाजाया स्वरध्यें खंल्लाइम्ह ।
 २५] शंखिनि, पुरुष विमुख म्ह ।
 २६] पूर्णा, दक्ख लक्षणं पूर्णम्ह ।
 २७] विद्याराज्ञी, विद्याया मालिक म्ह ।
 २८] प्रियंवदा, सकल लोकया प्रेम जुया मां जुया
 चोम्ह ।

मूल

चन्द्रानना महागौरी अजिता पीत वाससा ।
महामाया महाश्वेता महावल पराक्रमा ।३५।

अर्थ

- २६] चन्द्रानना, चन्द्रमा थ्यें शीतल आनन्दगु ख्वा
जुयाचोंह्य ।
३०] महागौरी, आपालं यचुस्ये बांलागु रुपह्य ।
३१] अजिता, मारं त्याके मफुम्ह, भय दक्वजिते
याइम्ह ।
३२] पीत वाससा, म्हासुगु वस्त्रं पुना गुवलें
भिक्षुणी थ्यें कयनीम्ह ।
३३] महामाया, तच्चतं सत्त्वपित माया कृपा दुम्ह ।
३४] महाश्वेता, आपालं तुयूगु वर्णनं जुया
कयनीम्ह ।
३५] महावल पराक्रमा, तच्चतं वल तीर्य परा-
क्रम दुम्ह ।

मूल

महागौद्री महाचण्डी दुष्ट सत्त्व निसूदनी ।
प्रशान्ता शान्तरूपाच विजया ज्वलन प्रभा ३६।

अथ

- ३६] महारौद्री, गुवले मार पित्त तच्चतं भयंकरगु
रूप जुया वयनीम्ह ।
३७] महाचण्डी, मार गणपित्त आपालं क्रोधोरूप
वयनीम्ह ।
३८] दुष्टसत्त्व निसूदनी, दुष्टसत्त्व पित्त त्राहि रूप
जुया वयनीम्ह ।
३९] प्रशान्ता, हानं अत्यन्त शान्त स्वभाव जुया
नं वयनीम्ह ।
४०] शान्तरूपा, शान्तगु रूप जुया नं जुया चोम्ह ।
४१] विजया, मारगण पित्त त्याका चोम्ह ।
४२] ज्वलन प्रभा, छोया चोगु मिथ्ये तेज प्रकाश
याना नं वयनीम्ह ।

मूल

विधुत्माली ध्वजी खड्गी चकी चाप द्युता युधा ।
जम्भनी स्तम्भनी काली कालरात्री निशाचरो ।३७

अथ

- ४३] विधुत्मालि, पर्वसातोष्ये तेज पिकाइम्ह ।
४४] ध्वजी, मारगण पित्त ध्वंशयाम्ह ।
४५] खड्गी, ज्ञान खड्ग ज्वना चोम्ह ।
४६] चक्री, प्रज्ञा ज्ञानया चक्र ज्वना चोम्ह ।

- ४७) चापद्युता, बुद्धयानया धनुष ज्वना चोम्ह ।
४८) युधा, तथागत थ्ये संग्राम याना मार पित्त-
त्याके फुम्ह ।
४९) जन्मनी, वाका तथा वांखाया दुष्ट गण
पित्त कयनीम्ह ।
५०) स्तम्भनी, पर्वते चोंगु लोहंथ्ये याना दुष्ट
पित्त कयनीम्ह ।
५१) काली, दैत्य पित्त कालीथ्ये रुप कयनीम्ह ।
५२) कालरात्री, राक्षस पित्त चान्हे नाप लाना
शान्त याइम्ह ।
५३) निशाचरी, चान्हे चाहुला भूत गणपित्त
शान्त याइम्ह ।

मूल

रक्षणी मोहिनी शान्ता कान्तारी द्राविनी शुभा
ब्राह्मणी वेद माता च गुह्या च गुह्यवासिनी ।३८

अर्थ

- ५४) रक्षणी, सत्त्वप्राणि पित्त रक्षा याइम्ह ।
५५) मोहिनी, मोहरूप जुया नं रक्षा यावनीम्ह ।
५६) शान्ता, शान्त स्वभाव जुया नं रक्षा याइम्ह ।
५७) कान्तारी, पंच रश्मिकया सकम्भनं रक्षा
याइम्ह ।

५८] द्राविनि, आपालं वल वीर्यं वुपिन्त त्याके
फुम्ह ।

५९] शुभा, न्हिला जक भिगु खँ ह्लाइम्ह ।

६०] ब्राम्हणी, ब्रम्ह ज्ञान सीका गुरुमाता जुया
चोंम्ह ।

६१] वेदमाता, वेद ज्ञान यानं माँ जुया चोंम्ह ।

६२] गुह्या, गौरव गुह्यार्थं यानं माँ जुया चोंम्ह ।

६३] गुह्य वाशिनी, दक्क याने सं चोना गुम्हयाने
विज्याम्ह ।

मूल

मांगल्या शांकरी शौम्या जातवेदा मनोजवा ।
कापालिनी महावेगा संभ्या सत्यापराजिता ।३६।

अर्थ

६४] मांगल्या, शुभ मंगल जक याइम्ह ।

६५] शांकरी, भगवती जुया सुख याइम्ह ।

६६] शौम्या, स्वभाव शुद्ध जुया क्यना चोंम्ह ।

६७] जात वेदा, जात जातया विद्या प्रकाशयाइम्ह ।

६८] मनोजवा, मनोरथ पूर्ण याइम्ह ।

६९] कापालिनी, अकाल मृत्यु शमन जुइगु अमृत
तोंकौम्ह ।

७०] महावेगा, याकनं भिगु लें अयंका वीम्ह ।

७१) सन्ध्या, सुथे, निहने, बहनी, स्वंगु प्रहरे स्वंगु
रूप वयनिह्म ।

७२) सत्या, सत्य वचनं जक खं ह्लाइम्ह ।

७३) पराजिता, दैत्य राक्षस मारसैन्यपिन्त त्राहि
याना चोम्ह ।

मूल

सार्थवाह कृपा दृष्टी नष्टमार्ग प्रदर्शिनी ।
वरदा शाशिनी शास्त्री स्त्रीरुपा मितविक्रमा ॥४०॥

अर्थ

सार्थ वाह कृपादृष्टी, व्यापारी परदेश वनीपिन्त
नं रक्षा याइम्ह ।

७४) नष्ट मार्ग प्रदर्शिनी, लं द्वनी पिन्तनं लं खंकिम्ह

७५) वरदा, भय मदंगु अभय वरदान बीम्ह ।

७६) शाशिनी, भिगु शासने दुकाइम्ह ।

७७) शास्त्री, आपालं शास्त्र सम्ह ।

७८) स्त्रीरुपा- स्त्रीरूप प्रकाश याम्ह ।

७९) मितविक्रमा- पराक्रमस पारंगत म्ह ।

मूल

शवरी योगिनी सिद्धाऽचाण्डाली चामृताधुवा ।
धन्या पुण्य! महाभागा शुभगा प्रियदर्शना ॥४१॥

अर्थ

- ८०) शक्ती- गुवल्ले देतल आसन यानानं वयनीह्य
८१) योगिनी- गुवल्ले गुह्ययाने योगिनी जुया नं
वयनीह्य ।
८२) सिद्धा- श्रावक, प्रत्येक, महायान, बज्रयानया
सिद्धाजुया चोह्य ।
८३) अचाण्डाली- चाण्डाल चर्य मथ्यूह्य ।
८४) अमृता- अमृतया रूप जुया तोंकीह्य ।
८५ ध्रुवा- याकनं ज्या सफल याकीह्य ।
८६) धन्या- देव मनुष्य दैत्य पिसं धन्य प्रशंसा
याका चोह्य ।
८७) पुण्या- पुण्यया शरीर वयना चोह्य ।
८८) महाभागा- संख्या याय् मफेक भाग्य मानीह्य
८९) शुभगा- सकभनं शुभ कार्य याता वयनीह्य
९०) प्रियदर्शना- सकल यात आनन्द जुइगु रूप
दर्शन बोह्य ।

पूत

कृतान्तत्राशनी भीमा उग्र उग्र पराक्रमा ।
जगदेक हितायुक्ता शरण्या भक्त वत्सला ।४२।

अर्थ

- ६१) कृतान्तत्राशनी- यमराज- यम किंकर पिन्तनं
त्राश विद्या चोह्य ।
६२) भीमा- डाकिनी दुष्टपिन्त, भयंकरगु रूपक्यना
त्राशवीम्ह ।
६३) उग्रा- मियागु तेजपिकया हिंसकतेत ख्याना
छोइम्ह ।
६४) उग्रपराक्रमा- सुनानं धाय्मफुगु पराक्रम दुह्य
६५) जगत् एक हितायुक्ता- जगत्स छम्ह हित-
कारी जुया चोम्ह ।
६६) शरण्या- शरण वपिन्त उपकारी जुया चोह्य ।
६७) भक्तवत्सला- भक्ति भाव याइ पिन्त करुणा
कृपा याइम्ह ।

मूल

वागीश्वरी शिवा शूक्ष्मा नित्या सर्वत्र चानुगा ।
सर्वार्थ साधनी भद्रा गोस्त्री धात्री घनंददा ।४३

अर्थ

- ६८) वागीश्वरो- वचनया मालीक जुया चोम्ह ।
६९) शिवा- कल्याणकारी सदानं जुया चोम्ह ।
१००) शूक्ष्मा- अथ्ये पथ्ये धका सुनानं धाय्मफुह्य ।

- १०१) नित्या- अनित्य मखुम्ह, नित्यम्ह ।
१०२) सर्वत्रचानुगा- सकभनं भ्रमण जुया रक्षा याइम्ह
१०३) सर्वार्थ साधनी- संपूर्ण अर्थ साधना याना
क्यनीम्ह
१०४) भद्रा- सदानं शुभ मंगल कल्याण याईम्ह ।
१०५) गोस्त्री- अगम काय् थाकुम्ह ।
१०६) धात्री- रक्षाकारी जुया विज्याम्ह ।
१०७) धनददा- धन संपत्ति वरदान वीम्ह ।

मूल

अभया गौतमी प्रोक्ताः श्रीमल्लोके श्वरात्मजाः ।
तारा नामगुण नन्ता सर्वासाः परिपूरिणी ।४४।

अर्थ

- १०८) अभया गौतमी, दक्क भय फुका बिज्याइम्ह,
गौतमी धका नं श्रीमान् लोकेश्वर तथा
बोधिसत्त्व गणपिसं प्रशंसा याना वन ।
ताराया नाम कयागु गुण प्रभाव पुण्य अनन्त
(धाय्त थाकु) थुजाम्ह खः सकल मनं तुनागु
आशा याकनं पूर्ण याइम्ह जुया, बुद्ध बोधि-
सत्त्व लोकेश्वर पिसं ताराया नम, सर्वासा-
परिपूरिणी धकानं धाइ ।

मूल

ॐ ३ तारे कृपा वलंविनि सर्वार्थ साधनि स्वाह
नामाष्टोत्तर शतकं कीर्ति तं हित काम्यया । ४५

अर्थ

ॐ ३ स्वाहा कार जुया बिज्याम्ह हेतारे, तरे
याइम्ह, हे कृपा वलंविनि, कृपाया छत्र समान म्ह, हे
सर्वार्थ साधनी, संपूर्ण धर्मया अर्थ म्हसोका बिज्याम्ह,
सकल सत्व पित्त हित सुख याय्गुलि आपालं ध्यान
याना चोम्ह छलपोल यागु नाम (१०८) सछिव च्याता
प्रकारं उच्चारण याना सुनां एकचित्तां कीर्तन याइ
(बोनी) सीके माल थथ्ये खः ।

मूल

रहस्य मद्भुतं गुह्यं देवाना मपि दुर्लभम् ।
सौभाग्य भाग्य करणं सर्वकित्विष नाशनम् ।
सर्व व्याधि प्रशमनं सर्वसत्त्व सुखा वहन् । ४६।

अर्थ

रहस्यमय अद्भुतगु गुह्य (तत्रादी) थ्यंक मामागु
रूप जुया बयनीम्ह, देवतापिसनं दर्शन याय् दुर्लभ
जुया बिज्याम्ह, आर्यतारा भावयानागुलि महाभाग्य-

मानि जुया म्येपिन्तनं भाग्यमानि याय्फुम्ह जुइ ।
सकल पाप नं मदया वनी । संपूर्ण रोग शमन जुया
वनी । सकल सत्वं पिन्त सुख वोफुम्ह जुइ ।

मूम

त्रिकाले यः पठेत् धीमान् शुचि शील समाहितः ।
अचिरे नैवकालेन राज्यैश्वर्यं मवाप्नुयात् ॥ २७ ॥

अर्थ

सु बुद्धिमानं, अर्थात् गुम्हजा विद्वान् आचार्य्य,
सुथे न्हिने वहनी (त्रिकाले) थुगु स्तुति वोनेत शुचि
शील स्वभाव बांलाका भक्तियाइ (सुरुतिघा कुं तोनेगु,
म्हुतु नवइगु, दुर्गन्ध बस्तु नय्गु तोनेगु, नियम आच-
रण मखुः धका ज्ञानं श्वीका सीका शुद्धगु थासे चोना,
शुद्धगु वस्त्रं पुना, शरीर नं शुद्ध याना, एक त्रित्तं
थुगु परित्राण पाठ छः धका बिचार याना बोनी बोकी
श्वया विस्तार मजुस्ये मनोरथ पूर्ण जुइ, लिपा राजा
या ऐश्वर्य्य पद प्राप्त जुइ ।

शुचि व शील म्हसीके

दुर्गन्ध- नवगु वस्त्र तोता शरीर स्नान याय्गु-
शुद्धगु वस्त्रं पुना श्वास (सास) नवगु धूम्रपान, मद्य-
पान, (ऐला, श्वं, बझां, चुरोट तोनेगु) तोता, प्राणि

स्यान्ता तगु ला नेगुनं वजित याना, दुरु, धौ, द्य,
कस्ति, साख (पंचामृत) फल, मधि, पायस क्षीर जा
आहार याय्गु यात शुचि धाड । थुकिं भिन्न म्येगु
यात अशुचि धाड ।

स्वभाव शुद्ध जुया पंच अष्ट दश शील म्हसीका
बिचार याय्गु, नियम धारण याय्गु यात शील धाड ।
थुकिं भिन्न म्येगु यात कुशील धाड ।

न्ह्यागु हे पूजा पाठ इत्यादि क्रियास अशुचि
कुशील तोता ज्यायासा जक सफल जुड । मयात धासा
असफल मात्र जुड धका बुद्ध वचन चोयातगु दु ।

मूल

दुःखितस्य सुखीनित्यं दरिद्रो धनवान् भवेत् ।
जडो भवेत्तमहा प्राज्ञा मेधावी नात्र खंशयः । ४८ ।

अर्थ

थुगु स्तुति बोना जूपि, दुःखीपि सुखी जुई । लाता,
पाक, स्वांथ, ज्यो, ग्वाज्यो, लाती- थुजापि खंसै ।
मूर्खपि, पण्डित-बुद्धिमान् जुड । मजुई धका ह्युं हे संखा
मदु, अवश्यनं प्राप्त जुई ।

मूल

बन्धना तमुच्यते बन्धो व्यवहारे जयो भवेत् ।
शत्रवो मित्रता यान्ति शृंगिणां चापि दृष्टिणः ४९

अर्थ

बन्धने तथा कुना तपि बन्धन याकें मुक्त जुई,
व्यवहारे चवंपि जय जुई । शत्रुत मित्र जुई, न्यकुदुपि,
धःवा दुपि पशुपंछि, सर्वतेगु भयनं दैमखुः ।

मूल

संग्रामे शंकटे दूगें नाना भय समा कुले ।
स्मरण देव नामानि सर्वभयान्यपोहति । ५०॥

अर्थ

संग्रामया भय, त्वापु ज्वीगु भय, शंकष्ट दुःख
ज्वीवले, झगडा ज्वीवले, परदेश वना दुःख ज्वीवले,
बने लाना दुःख ज्वीवले, नाना प्रकारं दुःख जुया चोनि-
वले, श्वसपोल आर्यतारा स्मरण लुमंका नाम कय-
गुलि थुजागु भय दक्क मुक्त जुया पापनं शमन ज्वी ।

मूल

नाकाल मृत्यु भवति प्राप्नोति विपुलं यशः ।
मानुष्य सफलं जन्म तस्यै कस्य महात्मनः । ५१

अर्थ

आर्यताराया प्रभावं अकालया भय दैमखुः यश
कीर्ति आगलं सकभनं प्रकाश जुई मनुष्य जन्म सफल
जुया जय ज्वी, तारा नाम काह्य छम्हसिया महात्मा
साधु ज्ञानि धाय्के दै ।

मूल

यस्त्विदं प्रात रुत्थाय मानवः कीति मिष्यति ।
सदीर्थ काल मायुष्मान् श्रियाच लभते नरः । ५२ ।

अर्थ

सुजानी जनं सुथे दनेवं स्नान शुचि नियम याना
अशुचि बझां, चुरोत, सुरुतिया कुं, सेवन मयास्ये शीले
चोना, सुगन्ध धूप दीप च्याका एक चित्तं थम्ह आर्य्य
ताराया स्तुति बोना परित्राण पाठ यार्ई, वया मनुष्य
जन्म साफल्य जुया तस्सकं नां प्रचार जुई । ताकालं
म्वाना च्वनि, दुःख नं दं मखु, सकल मनुते प्रेम जुई,
सिद्धि दै, हिसि दै, न्ह्याथाय् वंसां सफल जक जुया
चोनि ।

मूल

देवा नागा तथा यक्षा गन्धर्वा कट पूटना ।
पिशाचा राक्षसी भूता मातरो रौद्र तेजसा । ५३ ।

अर्थ

देव, नाग, यक्ष, राक्षस; गन्धर्व, कटपूटन, पिशाच
राक्षसी (किन्हुनी), भूत, प्रेत, डाकिनी (बोकसी),
प्यकालें व्छासे चोंपि थुजापिगु दोष दक्क आर्य्यंताराया
ग्यानापुगु तेजं खया मदपा वनी ।

मूल

डाकिन्धा स्ताडका प्रेता स्कण्डोन्मादा महाग्रहाः
छाया पस्माका चैव येच काखोर्दकादयः ॥५४॥

अर्थ

बोकसिनि, पिखालखुसचोंपि छेया जवे खवे चोंपि
स्ताडक धयापि खनेमदेक चोना दाया हैपि. सःता हैपि
शब्द वेका छ्याईपि, केका हैपि भूत, प्रेत, अगति, सीक
वायु, छ्या कवं, क्षत्रपाल, स्कन्दग्रह, जलग्रह, नवग्रह,
बालग्रह, उपग्रह, वें, उजीं, श्वाठ ग्वारा, ध्वंवा खा,
ईत्यादि थुजापिंगु कुदृष्टिया दोष पुना हैगु, छाया,
अपस्मार, आकाशया दोष, दैत्य दोष, तीले वंगु रोग,
हिति, तूँ, बोंगा, पुखु, नदि, खुसि, पोठ, इमशान
थुजागु पाख्ये वंगु छायादोष दक्क भय थव आर्य्यताराया
भक्ति दुम्ह पाठ याईम्ह यात, याईगु छे थो फेमखुः
शमन जुया वनि । थव परित्राण पाठ धका घया तल ।

मूल

वेताडा त्रिच्चका प्रेरुया ये चान्य दुष्टचेतसा
आयामप्यनलं घनन्ति किं पुन स्तस्य त्रिग्रहः ५५॥

अर्थ

वेताडा— वेताल, धयापि, पादोर्निपि खवा कवंनं

धाई, क्षत्रपाल क्षपत्रपाल धंपि न्होने लिउने च्वे क्वे
 चोनीपि चिच्चका धंपि अगति (गःकिया, घोखाया,
 कवव्वना बिषनया सीपि) भुज्यात नं धाई, थुजोपि
 किचलं दाया, दृष्टि स्वया उपद्रव जूगु रोग कष्ट फुकं
 आर्य्यतारा भक्तिदुह्य यात शरीरे छे थिये फेमखुः ।
 सुं शत्रु नं मखुगु ज्यायाना ल्वापु कलह जुईका स्यंकेनं
 फेमखुः ।

मूल

दुष्ट सत्वो नवाधन्ते व्याधयो चकमन्ति च ।
 देवा सुरमपिसंग्रामेऽनु भवन्ति महर्द्धिकाः ॥५६

अर्थ

दुष्ट मनूतेनं मखुगु, मखुथ्ये वाधापरे ज्वीगु ज्या
 खे यासानं लगे ज्वी मखुः । नाना प्रकारया रोगं पीड
 वीनं फे मखुः, तां रोगी जुया सासना तये माली मखु।
 देव, दैत्य, मनुष्यपिगु कुकर्म, कुदृष्टि नं लगेजुया दुःख
 वी फेमखुः । थुजापिसं संग्राम यासानं थुमित त्याकेफई ।

मूल

सर्वैश्वर्य्य गुणो युक्ताः पुत्र पौत्राश्च वर्धते ।
 जातिस्मरो भवे धर्मीमान् कुलीन प्रियदर्शनः ॥५७

अर्थ

हानं ऐश्वर्य्यं गुणं युक्तं जुयाच्चानि, मंपुत्रपि काय्
म्ह्याय् छय्पि नं वढे जुयाच्चानि । जातेनं, कुलेनं लोम्ह
सकलया प्रेम ज्वीका, बुद्धिमान्म्ह जुया चोने दं ।

मूल

प्रीतिमान्स महावाग्मी सर्वशास्त्रविशारदः ।
कल्याणमित्रसंसेव्यबोधिचित्तविभूषितः ।
सदाविरहितो बुद्धेयश्च यत्रोपपद्यते । ५८ ।

अर्थ

हानं आर्य्यतारा नुगले भक्ति दुम्हया सदानं सक-
लया प्रीतिम्ह [यम्ह] जुया चोनि । वया वचन
वांलाना सिद्धि दुम्ह ज्वी । फुक शास्त्रे नं निपुन याये
फुम्ह विद्वांन ज्वी । कल्याणपि त्वाय् अथवा पाशा दैः
थुजापिसं सेवायार्ई । बोधिचित्तबोधिज्ञान [बुद्धज्ञान]
या तिसांतिया चोम्ह ज्वी । बुद्धबोधिसत्त्व आर्य्यतारा
लोकेस्वर वसुन्धरा इत्यादि पिसं गन गल जन्म कावन
अन अन सुदृष्टि स्वया चोनि अन्त्ये वसपोलपि
बिज्याना चोंगु सुखावती नाम पोतल पर्वते बुद्ध भूमीस
वासया वनेव ।

मूल

इति श्री आर्यतारा महादेवी भट्टारक
नामाष्टोत्तर शतकं बुद्ध भाषितं परि समाप्तम्

अर्थ

थुलि श्रीशोभां संयुक्तह्य आर्यतारा महादेवीया
भट्टारक नाम सखिव च्यापु [१०८] स्तुति परित्राण
पाठ शाक्यमुनि बुद्धं आज्ञा देका बिज्याना वंगु भिगु
वाक्य ववचाल ।



आर्यतारा १०८ सीकेगु

१ आर्यतारा	१६ धूपतारा
२ महत्तरीतारा	२० दीपतारा
३ प्रशन्नतारा	२१ गन्धतारा
४ शीतांगतारा	२२ रसतारा
५ बज्रतारा	२३ सप्तलोचनीतारा
६ महाक्षित्ततारा	२४ श्वेतलोचनीतारा
७ मृत्युवचनीतारा	२५ निलतारा
८ शुक्रतारा	२६ पीततारा
९ जांगुलीतारा	२७ रक्ततारा
१० धनन्दतारा	२८ श्यामतारा
११ श्रीमहातारा	२९ धूम्रतारा
१२ शुक्रैकजटीतारा	३० बिचित्रतारा
१३ रोचनीतारा	३१ दिव्यतारा
१४ मामकीतारा	३२ सुमंगलतारा
१५ पाण्डलातारा	३३ उष्णीषतारा
१६ कमलतारा	३४ सिद्धिलोचनीतारा
१७ भृकुटीतारा	३५ ध्वजतारा
१८ पुष्पतारा	३६ एकजटितारा

३७ योगतारा
३८ विमलतारा
३९ नीलोत्पलतारा
४० भुवनतारा
४१ बिमलसूर्यतारा
४२ अमृततारा
४३ बरुणतारा
४४ अवर्णतारा
४५ क्रान्तमतितारा
४६ मुखेन्द्रमतितारा
४७ पुष्पमतितारा
४८ अन्नमतीतारा
४९ रत्नमंजरीतारा
५० स्कन्धतारा
५१ ज्ञानरूपतारा
५२ सुरूपतारा
५३ रागतारा
५४ द्वेषतारा
५५ मोहतारा
५६ लक्ष्मीतारा

५७ ध्यानतारा
५८ सरस्वतीतारा
५९ प्रचण्डतारा
६० चन्द्रमतीतारा
६१ मोक्षमतीतारा
६२ भयंकरतारा
६३ अभयंकरतारा
६४ बीणतारा
६५ बज्रङ्किततारा
६६ लोकार्थतारा
६७ मनोहरतारा
६८ रूपतारा
६९ बीजतारा
७० सुगन्धतारा
७१ शान्ततारा
७२ हयग्रीवतारा
७३ रक्ताक्षतारा
७४ आकाशतारा
७५ सर्वसुन्दरीतारा
७६ सिद्धान्ततारा

७७ रक्षतारा	६३ पद्मनृत्यतारा
७८ महाकारुणीकतारा	६४ व्यंजनतारा
७९ घण्टतारा	६५ मंगलतारा
८० जन्मतारा	६६ हास्यतारा
८१ रोगप्रशनतारा	६७ लाश्यतारा
८२ प्रवणतारा	६८ रसरंगतारा
८३ अवरणतारा	६९ सुमंगलतारा
८४ पृथिवीतारा	१०० महामंगलतारा
८५ अरुणतारा	१०१ संपूर्णतारा
८६ बुद्धशक्तितारा	१०२ दीपराजतारा
८७ धर्मतारा	१०३ वंशतारा
८८ स्वर्गतारा	१०४ बज्रवैरोचनीतारा
८९ छत्रतारा	१०५ बज्रमामकीतारा
९० ध्वजपताकतारा	१०६ बज्रपाण्डलातारा
९१ ह्रींवक्ततारा	१०७ भीष्मतारा
९२ सुलोचनीतारा	१०८ सकलमंगलतारा

ह्लापा, आ, लिपा थ्यंकयापि बुद्ध, बोधिसत्व, आर्यतारा, बुसुन्धरा, लोकेश्वरपिन्त सदानं अष्टांग प्रणाम ।

ह्लापाया कल्पे जुया बिज्यापि पंचबुध तयागतपि न्याह्य ह्यसौके-

ज्योतिरूप पंचबुध स्वयंभू ज्ञान

दिशा,	नाम,	ज्ञानतेज,	वर्ण,	कुल,	मूद्रा,	आशन,
मध्ये	१ बैरोचन,	सुविशुध धर्म,	इवेत,	बुधकुल,	बोध्यंग,	इवेत सिंह,
		धातु				
पूर्वे	२ अक्षोभ्य,	आदर्श,	नील,	वज्रकुल,	भूसूक्ष्म,	इवेतागज,
वक्षिणे	३ रत्नसंभव,	समता,	पीत,	रत्नकुल,	वरदा,	श्यामअश्व,
पश्चिमे	४ अमिताभ,	प्रत्यवक्षण,	रक्त,	पद्मकुल,	ध्यान,	हरितमयूर,
उत्तरे	५ अमोघसिद्धि,	कृत्यानु स्थान,	हरित,	सुकर्मकुल,	आदर्श	रक्तगरुड,
					[वज्रकीर्ति],	

पंच बुद्ध पिनि स्त्री व कार्याणि नामावली

- १ वंरोचन - लोचनीतारा - विश्रवाणि, बोधिसत्व
- २ अक्षोभ्य - मामकीतारा - बज्रपाणि, बोधिसत्व
- ३ रत्नसंभव - पाण्डलातारा - रत्नपाणि, बोधिसत्व
- ४ अमिताभ - आर्यतारा - खड्गपाणि, बोधिसत्व
- ५ अमोघसिद्धि - कमलातारा - पद्मपाणि, बोधिसत्व

पंच बुद्धया संक्षिप्त विवरण

सुन्दर सुगन्ध सद्धर्म पुण्डरीक नाम तःफोगु पले
स्वां उत्पत्ति जुगुलि बुद्ध भूमीनं ववहां बिज्याना बिरा-
जमान जुया बिज्यापिंगु स्थान बुद्धालय स्वयंभू चैत्य
नेपाले बिद्यमान् जुयाचोंगु दर्शन याः बिज्यापि बुद्ध
बोधिसत्वादि लोकेश्वर, तारा, बसुन्धरा तथा बिद्वांन्
वर्गपि आपालं दु धयागु ज्ञान सीकेत- बू. स्वयंभू पुरा-
ण, नेपाल इतिहास स्वयंभू इतिहासे लिखित जुया
चोंगु दु ।

वंशावलीया प्रमाण

नेपाले समयानुकुल स्थापन जुया चोंगु प्रख्यात
बुद्धस्तूप चैत्य (५) सीकेगु थाप् थय्ये खः ।

- १) सत्ययुगे बिपश्वि दुद्धं कालिदहं पुखुलि पलेपु धाइ
(कंकोल) पुसापिना उत्पन्न जुया वगु पलेस्वाने
बिज्यापि पंचबुद्ध चैत्य स्तूप स्वयंभू खः ।

- २) नमरा नमोबुद्धाय चैत्य स्तूप द्वापरयुगे काश्यप
तथाथतया पर्याये महासत्त्व बोधिसत्त्वया अष्ठि
धातु गर्भे तथा नेपाल पनौतिस चौह्य महारथ
राजां देकुगु ।
- ३) कलिगत सम्वत् २५२८ स बृषदेवबर्म राजा नित्य
बज्रयोगिनी १२ वर्ष तक सेवायाना लिपा बज्र-
योगिनी मन्दिरया खवेपत्ति बृषदेव जुजुं पंच बुद्ध
स्तूप चैत्य स्थापना यानावन ।
- ४) हानं ३ वर्षलिपा बृषदेवराजा गोडावरी तीर्थ
भ्रमण याना वह्य बाय् चौगु थासे विचार याना
देकुगु वन्देजु ग्राम (बरे गां) नामयाना छगु देका
उगु थासेनं छग पंच दुधद स्तूप चैत्य देकावन ।
- ५) बौद्ध स्थान [खास्ति] शाक्यमुनि बुद्ध निर्वाणं
लिपा मानदेव राजकुमारं पितृ हथ्या पाप मोचन
याय्गु निमित्ते पंच स्तूप चैत्य देकावन ।

अशोक स्थूल चैत्य ५

२३०० वर्ष ह्लापा पटना देशं स्वयंभू दर्शनया
विज्याह्य सम्राट अशोक चक्रवर्ति राजा कोटि चैत्य
थाका न्याभाग थला न्याग स्थूल चैत्य नेपाल देशे
स्थापना यागु थाय् दु ।

- १) सत्ययुग प्रमाणं यल इपि स्थूल चैत्य ।
- २) त्रेतायुग प्रमाणं त्यतास्थूल चैत्य ।
- ३) द्वापरयुग प्रमाणं लगंस्थूल चैत्य ।
- ४) कलियुग प्रमाणं पुचस्थूल चैत्य ।
- ५) पिवाहा तोले स्थूल चैत्य ।

अनं बाकि दुगु चैत्य गर्भे तथा आपालं थसे ढल-
छि मयाक चैत्य, स्तूप, दुढमूर्ति नेपाले देका वंगु
अद्यापि अशोक चैत्य धका प्रकाश जुया चोन तिनि ।

संकराचार्यया संछिप्त विवरण

शाक्यमुनि बुद्ध निर्वाण जुया लिपा बृषदेव राजाया
पर्याये शंकराचार्य स्वामी काशी देश नेपाले वया
बौद्ध गुरु बज्राचार्य पित्त तथा शाक्य चैलक पित्तनं
स्वार्थी चर्य तोपुया- थुमित्त अज्ञानता याय्गु निम्ति
बुद्ध धर्म नाशयाना ८४००० चेप्यदो मूलगु बुद्ध शास्त्र
मीं तथा भस्मयात ।

अनंलि ह्योप देशे ६ वर्ष, यले ३ वर्ष, ये १ वर्ष,
कीर्तिपुरे स्वला, कपि लछि भ्रमणयाना बुद्ध धर्म तोप
याये धुंका सको देशे बना, वज्रयोगिनि मन्दिरया क्वमं
चवोंगु चैत्यछग तंत्र विद्याया प्रभावं फातापुइकालि

ह्लापा मडुगु धिति सुनानं मयातिगु लोहंया भैरबमूर्ति
स्थापना याना हिंसाकर्मया प्रथा अनहे चोह्य पूजाहारि
(द्यःपाला) गुरु भाजु (गुभाजुं) हे याका ब्यूगु भैरब
चक्र पूजा अद्यापियाना वं चोनि तिनि ।

थ्वयां ह्लापा, अहिंसा परमो धर्म यतोधर्म ततो
जयः जुयाचोंगु अनंलिपा हिंसाया परमो धर्मः सो
हिंसा परमो गतिः जुल ।

अनंनिस्थें पीठ पत्तिकं न्हापा मयागु हिंसाया ज्या
भैरबचक्र तःधंगु पूजा धका याय्गु प्रथा बढेजुया वल।
बौध्द मार्गी पुरोहित तथा यजमान्निनं स्वार्थो याने
भुलेजुया प्याबंहुला म्यें हाला, खुसिजुया सनाजुगु,
खना आःठिक जुल-थुपि बौध्द मार्गी धापि म्हुतु छप्वा-
लं जक नमोरत्न त्रयाय, पूजादि क्रियाय् नं मद्य मांसा-
हार याना ज्यां उत्थान अथवा उन्नति याय् फइमखुतः ।

थुपि क्वहां वनीगु क्वे लाइगु निश्चय जुल धया
शंकराचार्य स्वामी म्येगु थासेनं चाहला ह्लासा वना
स्यंके धयागु चिन्तना याना वंगु अबस्थाय् अनया
मुख्यम्ह लामा गुरु बिज्याना खासा धाःथाय् थ्यंक्ले
शंकराचार्य स्वामी यात स्वर्गवास छोट धका वंसाव-
लीस चोयातगु दु ।

नेपाले म्येया ला नेगु चलन वगु खँ

नेपाले इ. सं १२२४, बि. सं १३८२, ने. स ४४४ स हरिसिंह देव राजाया पालाय् भक्तपुर (खुप) या तुलजा देवी (तलेजु भवानी) स वना, न्हापा गुवलें मयागु यानामतगु थिति चलेयाय्गु निमित्तो अरुण नाम (वनम्ये) वनेमाला हया हरिसिंह देव राजाया वचनं स्थाना नेपाले न्हापां निस्थे सुनानं मनगु नेमनं निगु म्येया ला देव देवीया तःधंगु प्रसाद धका नेवाजाति तेत नकाबिल, अनंनिस्थे नेपाले चोपि विशेष नेवाजातिपिसं स्वार्थीया रागचर्य्य पूजाकर्म नेगु दोष मदु धया ज्या याना हहं गाले कवड्वाइगु होसियार मन्त ।

म्येया ला आहार तोते मफया सुनानं मयागु थिति पितृकार्य्य यज्ञहोम कार्य तः तः धंगु पूजादि कर्मनं ला मदय्कं मजिया वल ।

मांसाहार याय्गु ललाचं याना पीठ भैरबया स्थाने वना हिंसा प्रथा (ज्या) भैरवचक्र पूजा जुल, थःथः पिंगु छें बिहारे आगंमेनं म्येयाला प्रयोगाहार याय्गु चलन यात ।

थ्वहे चलन पिकया बौद्धमार्गी बुद्धधर्मनं उप-हास जुइगु ज्या दिन-दिन बढे जुया वल । थध्ये जुया वगुलि बुद्ध धर्मया नियम बिनाश जुया वन ।

दीपंकर बुद्धया खं — महावस्तु अवदाने

अनन्तकल्पे- अचिष्मान् राजाया पत्नी, सुदीपा
देवीया गर्भं जगु व्यकों, पद्मनी नाम पुखुलि पलेस्वां
थो बिज्याबले बोधिसत्व जन्म जुया बिज्यात ।

जन्म जुड्मात्रं दीप प्रकाश जुया अन्धकार मदया
बंगुलि नामकरण याबले दीपंकर धका नाम प्रख्यात
यात । लिपा तथागत जुड् धुस्येलि दीपंकर बुद्ध धका
बिश्वे प्रचार जुल ।

जन्मभूमी दीपवती नगर, माँ सुदीपादेवी, रात्रिया
प्रहरे आकाशं उज्ज्वलगु दीप (मत) क्वहांवया दरवारे
फसि जूवल वहे मत छप्वा नया, नुना छोया धका
माँह्य सिया ह्यनाचोन । लिपा गर्भाधान जुया झिला-
दस्येलि जन्म जुड्वं दीप प्रकाश जुल ।

थ्वहे निमित्तं दीपंकर बुद्ध धका नामप्रसिद्ध जुल
धंगु प्रमाण लिखित जुया चोंगु दु ।

थ्व दीपंकर तथागत ह्येह्य थः शिष्य भिक्षुपि नापं
किशुक नाम बने बिज्याबले न्यासःमाकते मालिक
ज्ञानाकर धेह्य छह्य माकनं फंसिछग खानाहया दीपंकर
बुद्ध यात चधेयाय् हवले लिपा कलियुगे शाक्यनुनि
बुद्ध जुड्हा छ छः धया बिज्यागु प्रमाण कपिदा वदाने
दु ।

सुगताबदान १२ अध्याये

न्हैम्ह तथागतपिंगु बिबरण सीके

सप्त ७ बुद्ध जन्म	जाति	जन्म भूमि	ध्वया माँ	ध्वया अरु	ध्वया स्त्री
संयुगे विपश्चि बुद्ध १ शिखिचि बुद्ध २	क्षत्री क्षत्री	वन्धुमती अरुणाक्ष	वन्धुमति देवी प्रभावती देवी	बन्धुमान् राजा अरुणराजा	विपश्यन्ती देवी शिखिमालिनीदेवी
त्रेतायुगे विश्वभू बुद्ध ३ ऋकुलन्द बुद्ध ४	क्षत्री ब्राम्हण	शामन्त क्षमावती	यशोवती देवी विश्वायणी देवी	सुद्रणीत राजा अग्निदत्त राजा	विश्वधरा देवी ऋकुलवती देवी
द्वापरयुगे कनकमुनि बुद्ध ५ काश्यप बुद्ध ६	ब्राम्हण ब्राम्हण सूर्यवंश क्षत्री शाक्यकुल	शोभावती वाराणसी 'काशी' नेपाल लुम्बिनी	उत्तराणी देवी धनवती देवी मायादेवी	यज्ञदत्त राजा वन्धुदत्त राजा शुद्धोदन राजा	कण्ठमालिनी देवी धर्मधरा देवी यशोधरा देवी
कलियुगे शाक्यमुनि बुद्ध ७					

हानं कलियुग वर्ष (१००००) सिद्धोवर्ष पुलीबले मंत्री वोधित्व केतु मती देश (काशी) ब्राह्मण कुले जन्म जुया तालबृक्ष (ताइग्वसिमा) या ब्वे ८ वर्ष तपयाना मारजित जुया बुद्ध पद लाना शाक्यमुनि बुद्धं थ्ये मिथ्या दृष्टि लापित्त उध्वार निर्मित सहस्रमोपदेश बिया बिज्याइ धका चोयातगु डु ।

श्व खं नेपाल सम्बत् १०६७ स प्रकाशजगु बुद्ध धर्म दर्शन नाम पुस्तके दु- तथागि प्रचार जगु मगागुलि श्वकेनं चोयागु खः ।

श्वया कायपि	तप यागु सिमा	आयु	मुख्यपि शिष्य	आवयमनि त्तापा सप्त बुद्धपिनि शिष्यजया वगु बोधिसत्व जन्म
महामति बोधि. रत्नधर बोधि.	षवको सिमा (खरि बृक्ष) कमल बृक्ष	८०००० ७००००	खण्ड १ तिष्य २ अभिसंभव १ क्षमंकर २	सत्य धर्म बोधिसत्व क्षेमराज बोधिसत्व
आकाश गभं बोधि. सकलमंगल बोधि.	धुं सिमा सिसोसिमा	६०००० ४००००	सोण्ड १ उत्तर २ तुपसत्तर १ बिधुर २ संजोव ३ बुद्धि ४	पर्वनारस बोधिसत्व ज्योतिपाल बोधिसत्व
कनकराज बोधि. आनन्द राहुल बोधि.	दुवं सिमा (दुम्रो बृक्ष) बर सिमा	३०००० २००००	भायोक्ष १ भारद्वाज २ तिष्या १ ओत्तर २ सोत्तित ३	सुधर्मराज बोधिसत्व ज्योतिराज बोधिसत्व
राहुल भद्र बोधि.	वंगल सिमा (पिपल बृक्ष)	१०० ८०	शालिपुत्र १ मौगल्यायण २ आनन्द- आदि ३	सर्वार्थसिद्ध बोधिसत्व

भद्रकल्पावदान ३६ अध्याये,- गौतम बुद्धया पुत्र राहुल कुमार बोधिसत्वया स्त्री कमलादेवी, श्वया गभं जन्मजपि पुत्र निम्ह (२) दु, १ मंत्री, २ सकलानन्द, लिपा राहुल कुमार पिता बुद्धया अनुयाइ जुया श्रावणेर शिक्षा दिक्षा कया भिक्षु जुया बोधिज्ञान लाना अर्हेत् पद प्राप्त जुइका स्वर्गवास जुल । शुद्धोदन राजा छुई सकला नन्दयात राज्य बिद्या- थः बुद्धया शरण वना स्वर्गवास जुल ।

मंगलाष्टवः

ॐ नम श्री महा मञ्जु माथाय ॥

मञ्जुश्री लोकनाथो जिन बर मकुटो जजम्बरो वज्र सत्त्वो ।
मंत्रेयो वज्रपाणि सुखबल यकरो राहुलो भद्र पाल ॥
बुद्ध बेलो चनादि स्त्रिभुवन नमितं क्षीणनिःषेदोष ।

स्तुष्टाः सर्वार्थं सिद्धि बिमल सुमनसो मंगलं बोधिसन्तु ॥१॥
रुष्टो ह्रींकार वज्र पशुपति वमको वज्र घंठा क्षहस्तः ॥
पीतोहा लाहलं यो रिपुव्रण मथन ष्टकि राजो महात्मा ।

अक्षोभ्य रत्नकेतु प्रतिदिन मचरो गन्ध हस्तो यमारि तुष्टा ॥२॥
संघंत्रे लोक्य बन्धु गुणगण निलयो बोधिसत्त्व सुचिस ।
बोधो प्राबुन्द सिन्धो बिगत कलिमलो हरुको नीलवण्ड ॥

बुद्ध शलेन्द्र राजो बिजि तजि पागुणा सर्वसत्त्वा नुकंपा तुष्टा ॥३॥
प्रसा जूडाचतारा तबनुच मकुटो ज्ञान संभार मारा ।
मारीची मारमारा सकल भयहरा पीठ वर्णा स्त्रिबक्त्रा ॥

मायूरो मामकीव क्षपितरि पुगणा बाण्डला लोचनाद्याः तुष्टा ॥४॥
गान्धारी जांगुलीच भुजग हितकरा वज्रपाशा कुशोहि ।
बाराही वज्रघण्टा अशिपर शुचरा धर्म धाते श्वरीच ॥

(५)

केधूरी ज्ञानकेतु धंजनिहि तकरा खड्गपाशा बलीचः तुष्टा ॥५॥

बीणा माल्या सुगीता प्रथितजि नबरे गावरी धूपबज्रा ।

बेतालो गन्धबज्रा प्रहसित बवना सौमती आर्यतारा ॥

रस्मि बुद्धस्व बोधिः सकल भयहरा सारथी दीपबज्राः तुष्टा ॥६॥

बंशाल्या धर्मचक्रे प्रथितजि नबरे पर्वते गृद्ध कूटे ।

श्रावस्त्यां तुम्बिनीच क्षितिनिहि तकरा कोङ्कुने बोधि बूक्षे ॥

श्री मवदेबा बतारा सुरनर नमिता धर्मचक्र प्रहस्ताः तुष्टा ॥७॥

छत्रं बुर्वाव पद्मं ध्वज मपि निहित ज्योत्स्ना मत्स्य पुर्णं ।

बाराहि पुर्णं कुम्भं मुनिवर बचनं बज्र घण्टा निनानं ॥

बुद्धानां प्राप्ति हाय्यं सुर नर नमितं हास्य वास्थ विलास्यः तुष्टा

॥८॥

श्री बच्छ पुण्डरीकं ध्वजबल कलशं चामलं मत्स्य युग्मं ।

त्वंछत्र हेम वण्डं रविशसि उभयोर्ध्वं त्रिपा बर्तशखं ॥

गोकन्या शंख भेरी बधिमाल कुसुमा पावको दीपमालाः तुष्टा ॥९॥

इति श्री मंगलाष्टक स्तोत्रं समाप्तम् ।

श्व परित्राण पाठ स्वस्तिवाक्य

पंच रक्षा मंत्रानुसारिणी दु

मूल

स्वस्तिवः कुरुतां बुध्दः स्वस्तिदेवा सक्रवाः ।
स्वस्ति सर्वाणि भूतानि सर्वकाले दिशन्तु व । १ ।

अर्थ

बुद्धं श्राज्ञा जल, इन्द्र सहित देव लोक पिसं, श्व
बोना पाठ यात, यापिं, याकुपिं, यानाचोंगु थासे, प्यख्ये
सनं स्वस्ति कल्याण जुइमा, मंगल याय्मा । भूतगणपि
सकसिनं धाल छिपिसकल यात स्वस्ति कल्याण जुइमा,
मंगल याय्मा । १ ।

मूल

बुध्द पुण्यानु भावेन देवतानां मतेनच ।
योयोऽर्थं समभिः प्रेतः सर्वार्थोऽप्य समृद्यताम् । २ ।

अर्थ

बुद्ध गुरुया पुण्यानु भावं देवतापिंगु मतानुसारं छु
लु छिमित माला चोंगु खः उगु सकलां पुरे जुइमा । २ ।

मूल

स्वस्तिगो द्विपदे भोन्तु स्वस्तिवोऽस्तु चतुष्पदे
स्वस्तिवो ब्रजतां मार्गे स्वस्तिप्रत्या गतेषु च । ३ ।

अर्थ

तुति निपांचुषा जुडपिन्तनं स्वस्ति जुडमा, प्यपा
तुति चूपिन्तनं स्वस्ति ज्वीमा । छिपि गनं ले वनेबले
नं लिहां वयेबलेनं स्वस्ति जुडमा । ३ ।

मूल

स्वस्ति रात्रौ स्वस्तिदिवा स्वस्ति मध्ये दिने स्थिं
सर्वत्र स्वस्तिगो भोन्तु माचैषां पापमा गमत् । ४ ।

अर्थ

वहनी, न्हिने, स्वकडले सुथेनं स्वस्ति जुडमा,
न्ह्याथाय् वंसां सकभनं स्वस्ति जुडमा । छिमित पापं
मथीमा, पाप मदेमा, पाप मवयेमा । ४ ।

मूल

सर्वे सत्वाः सर्वे प्राणाः सर्वे भूताश्च केवलाः ।
सर्वे वै सुखिनः सन्तु सर्वसन्तु निरामया । ५ ।

अर्थ

सकल सत्वपिन्त, सकल प्राणिपिन्त, केवल सकल

भूतगण पित्त सुखी जुइमा । छिपि सकलया रोग मज्जू-
स्ये सुखी ज्वीमा । निश्चय मेवन कल्याण ज्वीमा । ५।

मूल

सर्वे भद्राणि पश्यन्तु माकश्चि न्पाप मागमन् ।
यानीह भूतानि समागतानि स्थितानि भूमावथ
मान्तरीचेः ।

कुर्वन्तु मैत्री सततं प्रेजासु दिवाच रात्रौ चच-
रन्तु धर्मम् । ६।

अर्थ

छिपि सकलया कल्याण जुइगु जक स्वेदयमा, स्वैन-
नं पाप मदेमा, मवेमा, मथीमा । भूत गणपि, थन भूमीस
चोंपि, आकाशे चोंपि वने पर्वते चोंपि, सिमासचोनीपि,
लेंवया चोंपि, वनाचोंपि, प्यकाले व्हासे चोंपि गुलि दु
थुपि सकसितं, सकललोक पित्तनं सदाकाल, त्वाय
पाशा पित्तर्थे याना रक्षायायेमा । चान्हे ह्तिने बारंबार
मंगल जुइका, धर्मेनं मनतया ज्या याये फयेमा । ६ ।

मूल

ये जंगमाना तत्रैव स्थावरा स्ते सर्व सत्वाः सुखि
नो भवन्तु ।

शान्ता विरागं नरदेव पूज्यं बुद्धं नमस्यामि
इहायान्तु सर्वे । ७।

अर्थ

गुपिजा माँनं रक्षायाना तपि- पर्वते, वने, भूमिस,
देशे दुने पिने चोपि, आकाशे बोधा ज्वीपि, लखेदुने
चोनीपि, सिमाय् वास याइपि, सकल सत्त्व प्राणि विनि
रक्षा जुया सुखी जुइमा । शान्तह्य रागमदुह्य मनुष्य
देवता पिसं पूजायाना तह्य बुध्दयात नमस्कार याये ।
थन बिज्यासा सकसिनं खनि बिज्याहुँ । ७ ।

मूल

धर्मं नमस्यामि इहायान्तु सर्वे
संघं नमस्यामि इहायान्तु सर्वे । ८।

अर्थ

धर्म यात नमस्कार याये, थन बिज्यासा सकसिनं
खनि । संघयातनं नमस्कार याये, थन बिज्यासा सक-
सिनं खनि, सकलया जय मंगल स्वस्ति जुइ जुल । ८।

मूल

इदमस्मि लोके पुरिमस्मि वा पुनः ।
स्वर्गेषु वा रत्न वराणि सन्ति ॥६॥

अर्थ

श्व लोके तःधंगु देशे अनेक रत्न दयाचोंगु दु'
श्वथ्ये जिनं परित्राण महारत्न ज्वना जन्म जुयाचोना ।
अथवा हानं स्वर्गेनं अपालं महारत्न दु, श्व महारत्न
खः परित्राण, जिनं सोकाचोना । ६ ।

मूल

तस्मा दिदं रत्न वरं प्रणीतं एतेन सत्येन
इहाया तु स्वस्ति ॥१०॥

अर्थ

अथ्येया निम्ति श्व महारत्न परित्राण खः धका
सीका धारण याना बोना प्रमाण याना चोना । श्वहे
सत्यया ब्रभावं थन स्वस्ति [महामंगल] ज्वीमा । १०।
महाप्रत्यं गिरा, चतुर्थं खण्ड ५ पटले थध्ये दु—

नमो भगवते सर्वबुध्द बोधिसत्वानां डशदिग् प्रति
पत्ता नां संम्यक संबुध्देभ्यः । ऐभ्यो नमस्कृत्वा, इमां
भगवतो सर्वतथागतो णीष सित्तातपत्ता नामापराजिता
महाप्रत्यंगिरां प्रवक्षामि ।

सर्व कलि कलह विग्रह बिवाद प्रशमनी । सर्व-
बुष्टग्रह प्रमोचनी । सर्वभूत निवारिणी । सर्व पर

बिद्याच्छेदनी । सर्वकाल मृत्यु परित्रायणी । सर्वसत्त्वा
बन्धन मोक्षणी । सर्व दुःस्वप्न नाशनी । सर्वनिग्ध
भंजनी । सर्वप्रक्ष राक्षस ग्रहाणां विध्वंसन करी ।
चतुराशीतीनां ग्रह सहस्राणां विध्वंसन करी । आटा-
बिंशति नक्षत्राणां प्रशादन करी । सर्वशत्रु निवारणी ।
सर्वदुर्गति भवोत्तारणी । यावद एतावकाल मरण परि-
त्रायणी । इति ।

अर्थ

सकल बुद्ध बोधिसत्त्वपि शिगु दिशास बिज्याना
चोंपि भगवान् तथागत सम्यक संबुद्ध पित्त नमस्कार ।

थुगु प्रकारं सच्छिह्य [१००] तथागतपि नाम
उच्चारण याना नमस्कार याना बिज्याह्य, थ्वसपोल
भगवती सर्व तथा गतोष्णीषा सितात पत्रा, पराजिता,
नाम जुया चोंह्य महाप्रत्यंगिरा महादेवी यात न्ह्योने
तया, शाक्यपुनि बुद्ध स्वर्गलोक तुषिता भुवने बिज्याना
आपालं देवतादि देवपुत्र देवकन्यापि सहित याना,
बुद्धयान बुद्धचर्य्य थुगु परिव्राण पाठया महिमा (पुण्य
फल) न्यंका बिज्यात ।

म्हामदुगु खँ फलह त्वापु शत्रु पाखें झगडा जवा-
सवा यानी हालेगु अनेक युद्ध थुजागु भय शमन जवी ।

फुक दुष्ट पापग्रहया दोष मोचन ज्वी । भूततेगु सकल
भय निवारण ज्वी । परचक्र पिगु कुब्जियाया दक्क भय
छिन्न भिन्न ज्वी ।

सकल अकाल मृत्यु प्यख्येसनं रक्षा ज्वी । सकल
सत्त्व कुंका चवने मागु दुःख मुक्तज्वी । संपूर्ण मभिगु ।
स्वप्नदोष नाश ज्वी । सकल पशु पंछि तीर्यक पिगु
भय विस्युंवनी । सकल यक्षराक्षस ग्रह पिगु भय दक्क
फुना वनी । चेप्यंगु ग्रहपिगु भय द्विष्टिगृहे दुसानं
ध्वंशजुया मदया वनी । नीच्याह्य नक्षत्र पिगु द्वारं
भींगु जुइ । सकल शत्रुपिगु भय निवारण ज्वी ।
सकल मभिगु गति तरे ज्वी । गनतक गुलि तक स्वाना
चोनि, अनतक च्यागु प्रकारया अकाल मृत्यु भय,
प्यंगु दिशां रक्षाजुया कल्याण ज्वी । ० ।

यावन्तु सर्वसत्त्वा अन्नजा वा, स्वेदजा वा,
जरायुजा वा, औपपादुका वा, रुपिण वा, अरु
पिणो वा, नासंगिनो वा, नैव संगिनो वा, सर्वे
ते सत्त्वाः सुखा वत्यां मुने र्गच्छन्तु स्वाहा ॥

अथ

आकाश समानं दया चोपि सकल प्राणिपि दु,
गुलि खेचं जन्म जूपि पंछिगणपि । अथवा दुर्गन्धगु

चःति जन्म जूँपि कीटाणुपि । अथवा पीं जन्म जूँपि
देव, दैत्य, मनुष्य, पशुगणपि । अथवा स्वां अन्न बृहो,
काष्ठ (सि) जन्म जूँपि की इत्यादिपि । अथवा रूप
खनेदुपि । अथवा रूप खनेमदुपि प्राणिपि । अथवा
नासंज्ञा नैवसंज्ञा थ्यंक ज्ञान दुपि प्राणिपि । थुजापि
सकल सत्व प्राणिपि षट्गति दुःख संसार चक्रे जन्म
जुया चाहुले स्वाक सुखा वति बुद्ध भुवने बासया वनेमा
अर्थात् मोक्ष प्राप्त ज्वीमा धका थुगु परित्राण पाठ
यानागु श्रद्धा कया बिज्याहुँ ।

शताक्षर बोनेगु

ॐ वज्रसत्वसमय मनुपालय वज्रसत्वत्वेन
प्रतिष्ठो द्रढो मेभव सुतोष्योमेभव सुपोष्योमेभव
अनुरक्तोमेभव सर्वसिद्धि मे प्रयच्छ सर्वकर्मसुखमे
चित्त श्रियंकुरु हूं हहहह होभगवन् सर्वतथागत
वज्रमामे मुंच वज्रीभव महासमयसत्व आः ।

बुद्धयान म्हसिकेगु

त्रियान निगु भेद दु, छगु- श्रावकयान, प्रत्येक-
यान, महायान थुगु स्वंगु यान बाह्य ज्वी ।

निगु- बज्रयान, तंत्रयान, सहजयान थुलि स्वंगु
यान गुह्य उवी ।

थ्व फुके सनं वीने मागु वाषय थ्वख

ये धर्मा हेतु प्रभावा हेतुस्तेषां तथागतः ।
ह्यवदत्तेषां च यो निरोध एवं वादी महाश्रवणः ।

अर्थ

गुगुजा धर्मखः संसारे फुक दया चोंगु, खनाचोंगु
इत्यादि अनेक हेतुयाकें मात्र उत्पन्न जुया चोंगु खः ।
थुकीयात निरोध याय्गु (पनेगु) ज्ञान उपदेश बिया
बिज्याह्य तथागत (बुद्ध) खः धका सुनां थ्व ज्ञान
सीकि वयात वादो महाश्रवण धाड । ० ।



यक्षेश्वरी हारती देवीया

वाखं संचिप्त रुपं बांलाक सीकेगु

रत्नमाला वदान १७ अध्याये दु ।

मूल छगु इलोक मात्र चोया

तस्मिन्नवसरे तत्र वृद्धा रोमोदका र्थिनी ।

कवंगलाभिधा कुंभं धृत्वा कूषान्तिके चरत् ।

इत्यादि ।

अर्थ

व्हापा छगु समये श्रावस्ती जेतवनम भिक्षुगण सहित शाक्यमुनि भगवान् बिज्याबले, उगु स्थानं पिने निकट ग्रामे जन्मजुया चोंह छह सें जाति बुढाया स्त्री कवंगला नाम देवी समीनि छ्यों छगलं तुय्ह बुढी छह चायागु घट ज्वना निर्मलगु लखं पूर्णगु (जला-शय) बोंगा रोम नाम जुया चोंगु छगु दु । अन उह्य बुढी वना घटे (गोपस) लः जाय्क फया लिहां तह्य, भगवान् बुध्वं खना आनन्द भिक्षुयात आज्ञा जुल ।

हे आनन्द भिक्षु ! जि जलाभिलाषी (लः तोनेगु) इच्छा जुल, हुंकन वह्य बुढी सःता लः कया हति । तथाऽस्तु याना आनन्द भिक्षु वना उह्य बुढीयात सःता धाल ।

हे बुढीम्ह तता ! भगवान्या लः तोनेगु इच्छायात छं बीफुला- थथ्ये धागु न्यना- थ्व बुढीं भगवान् गन दु धका सोबले खना हर्ष जुया धाल । जि वना जलदान थाये धया आनन्द भिक्षु नापं वया घट भूमीस मदिकुस्ये जलदान याना प्रणामयात, भगवानं लः तोना बिज्यात ।

उगु इले थ्व बुढीया दुरु निपासनं दुरु हाया बल सकसिनं सोया चोन, भगवानं थः नापं फेनुका छ्यने, म्हे ह्लाति उसि उसियाना बिज्यात ।

थथ्ये यागुलि बुढी मिसायात भगवानं मायातया प्रेमयाना बिज्यात धका भिक्षु पिसं मने आश्चर्य ज्वीका चोन । सकलया मने चोंगु खें सीका भगवानं आज्ञा जुल ।

हे भिक्षुगणि ! बांलाक मन थाते लाका खं न्य, थ्व बुढीया नाम कवंगलादेवी खः न्यनासो- भिक्षुपिसं

खःला धकान्यन- थ्व बुढी मिसां खः जिगु नां कवं-
गला देवी धाल । भगवानं वा खनेदेक न्हिला वयन,
छाय न्हिलागु धका आनन्दभिक्षुं न्यन ।

अर्थ

पंच जन्म शतान्येषा माता मे भूयतः पुरा ।
तत्पूर्वं जन्म मातेयं पुत्र स्नेहानु भाविनि ।
इति जानीहि ।

थ्व कवंगला देवी (बुढी) न्हापा जि न्यासगु
जन्मया माँ जुया वह्यखः । थ्व पूर्वजन्म या जि माँ
जुया जिनं स्नेह रूपं माया वना उसि उसि यानागु
मात्र खः, छिमिमने छुं संखा तयेमागु मदु ।

सीकि- जि पूर्वजन्मया काय् जुया जिगु ख्वाखनेवं
बुढी जूमानं दुरु हायावल थुकी छुं आश्चर्य्य मदु । थ्व
यागु ह्लाति दानयागु जलसाक तोने धुन- थ्वखं न्यना
सकलया मन सन्तोष जुल ।

आनन्द भिक्षुं बिन्तियात, भो भगवान् ! सकल
यात सीके बीगु निम्ति आज्ञा देका बिज्याहुँ- थ्व
कवंगला देवी नं ह्लापा छुःपाप यागुलि थुगु जन्मे
छलपोलया माँ मखत ।

थथ्ये प्रदन पार्येलि भगवान् गुणं श्राज्ञाजया
 बिज्यात । न्हापा काश्यप तथागतया पर्याये बागणसी
 (कासी) देशे छह्य विद्वान् ब्राम्हण दु, थवया याकचा
 काय् १० वर्ष दुम्ह छम्ह दु । थव बालक न्हिन्हि
 काश्यप तथागतया आश्रमे वना अन धर्मया खं कर्नागु
 शील प्रार्थना याइगु न्यना बोनेसेका लेःताया चोम्ह
 छन्हु सुथ न्हापां दना स्मान धुंका काश्यप बुद्धया स्थाने
 वना लिहां वगु लिवात ।

अबुम्ह पिहां वना चीन, मांम्ह ब्राम्हणीया जाथुया
 चोंगु बुका न्ह्योवेका चीन । मां जानयें त्यलला धया
 मांयात नोंः तुल । न्ह्यलंचाय्का मांम्हस्यें तं पिकया
 धाल, छ न्हिन्हि काश्यप बुद्धया थासे वनेमागु छाय्
 वनेमते धयागु मखुला मां यागु खँ मन्यंम्ह छ शत्रुः
 धका बोबिया भुतुलि चोंगु च्यागु सिकया दागु थाते-
 लाना ई बुलु बुलु वेका भतिचा लिपा मृत्यु जुल ।
 लिपा पसंताप कया खोल । मचाया अबुम्ह छें वल
 छाय् खोयागु धका न्यंबले कनेमफु । मृत्यु जूम्ह काय्
 खना ब्राम्हणं तच्चतं बिलाप यात मां म्हस्यें दागु खं
 सीका गोप्ययाना मृतक यात मागु थासे यंका ज्यासि-
 धेका लछि दुबले ब्राम्हण छें मचोंस्यें तीर्थ वास वना
 धर्म यात ।

श्व सोम्ह बालक जिगु छगु जन्म खः । काय्यात
दाया स्यागु पापं ब्राम्हणी ताकालं नरक भोग याना
हानं मनुष्य स्त्री जन्म जूबलेनं दान विघ्न याना वगु
पापं दारिद्र्यजुया वने जन्म जूम्ह कवंगला देवी श्व
खः । श्व खँ न्यना सकलया मन आनन्द जुल ।

श्व खँ न्यना श्व बुढि कवंगला देवी नुगःमछिना
पापिम्ह जितनं भिक्षुणीया जिनं छपि ल्युल्यु वये धका
खोया ब्रिन्तियात ।

न्यासकः पूर्वजन्मया माँ खः धका कृपातया भग-
वानं आज्ञा जुल- छ लः कावम्ह छाया ताउमाल धका
छं भातं बोबी छेवना बिदा कया वा, भिक्षुणी याये ।
थथ्ये आज्ञाजगु खँ न्यना हतासनं छे वना थुगु खं फुक
कना चित्तबोध जुइका बिदा हति जि पापी पाप फुके
माल भिक्षुणी जुइगु ।

थथ्ये धागु खँ न्यना भातम्हं जिनं वय् धया निम्हं
बया भगवान् दर्शन याना तुति भोःपुया भिक्षु ज्वीगु
फोस्येलि बिहारे यंका थुपि निम्हयातनं भिक्षु भिक्षुणी
याना, श्व कवंगलादेवी यात चूण्डाणी धका नामतया-
आय्यंसत्य या खँकना शील बियातल । बुढा बुढी ज्वी

धुंकुपि जुया याकनं मृत्यु जुल । थ्व चूण्डा भिक्षुणी
यागु खँ बांलाक सीकेत बृहत्स्वयं पुराण प्रथमोऽध्याये
खं दु ।

अनंलि चूण्डा भिक्षुणी यक्षलोके यक्षणी जुया जन्म
जुल- उगु देशया राजा यक्षेश्वरं बिवाहयात । थ्व
राजाया सछिम्ह स्त्रीपि (कला) दु - सन्तान मदू ।

छम्ह सिद्धेश्वर वया सन्तान दंगु बास बिया
राजा यात धाल - छपिनि सछिम्ह कलापिन्त इना-
नकि म्हति न्याम्ह सन्तान दै धया लिहांवन । यक्षेश्व-
रया कह्लेसुथे सकसितं बिया नके धका तयातगु वास
मखंक कया सुथ न्हापां यक्षेश्वरीं फुकं नया बिल ।
भातम्हसिनं स्तोबले मदु- थन चोंगु वासगो धका
न्यंबले जि हे फुकं नया धाल ।

भातम्हं धिकारयाना सुंकचोन - म्येपि यक्षणी
त तंचाल । थ्व बासनम्ह यक्षणीया गर्भवती जुया याक
नं याकनं यको यको मचात दया न्यासम्ह (५००)
मचाते माँ जुल । छे गृह कलह नं मपुन । हानं
कुमित्रया संगतं भक्षयाम् अयोग्यगु प्राणिया मांस नल-
स्वामी यक्षेश्वरं सीका, यक्ष लोकं पितनाहल ।

कोकालिपि न्याह्य मचात, धन भाजु १, धन मेजु २, लाता भाजु ३, लाति मेजु ४, वासि भाजु ५ धाह्य हिलाजक चीनीम्ह । थुपि ज्वना खोयापिहां वल - मचातनं खोया वल ।

देवयोगं बैशाली नगरे श्यन - शाक्यमुनि बुद्धं सीका नाप लाना, धर्मोपदेश बिया बोधयात । छ धग मदुगुलि भातं पितन, आवंलि मने हि शीतल याना प्राणी स्याय्गु ज्या मद्य मांस आहार यायमते, मचाते तनं नकेमते । छं पाप फुकेत नेपाले बना स्वयंभू आदि बुद्धालय सेवा याहुँ ।

बुद्धमूर्ति स्वयंभूश्च धर्ममूर्ति स्वयंभूवं ।

संघमूर्ति स्वयंभूश्च तथागत स्वरूपिणम् । वृ स्व. २ अ.

अर्थ

बुद्धमूर्ति - धर्ममूर्ति - संघमूर्ति - (स्वरूप) जुया बिज्याम्ह, तथागतया रूप खः स्वयंभू आदि बुद्ध सुवा याना नित्य चाहुला अष्टांग प्रणामया पाप मोचन जुया छन्हु संसार दुःखं मुक्त जवी । थय्ये आज्ञा जुया नेपाले छोया हया बिज्यात ।

आः झीतं सीके माल - कवंगला देवी चूण्डा
भिक्षुणी सिना जन्म जूम्ह यक्षणी हारती यक्षेश्वरी
खः । नेपाल थ्यंका स्वयम्भू भगवान् दर्शन याना
गौपुच्छ पर्वते बासयात नेगुलि दुःख जुल मचातेत
नकेमाल आहार चूमला ।

छन्हु याकचा काय् बोना ब्राम्हणी छम्ह त्रिरत्न
नाम कया स्वयम्भू पूजन वन्दन यावम्ह खना, थ्व
यक्षेश्वरी ब्राम्हणीया मचा ज्वना छथाय् यंका सुषका
विल । काय्मचा मदया ब्राम्हणी खोया माजुल गनं
खंके मफुः ।

अमिताभ बुद्धं यक्षेश्वरी (हारती) या यःम्ह
बासि भाजु सुचका बिल । यक्षेश्वरी खोया माजुल
खंकेमफया ग्वारा ग्वारा तुला खोल । आकाशवाणीं
शब्दविल हे यक्षेश्वरी छं यको मचात दु छम्ह मदुबले
आमथ्ये खोल ।

म्येपिनि याक काय् मदुबले गुलि खोल ज्वी-
सीके स्वाला, आमथ्ये हे जुया छन्त भातं पितना हल-
बैशाली नगरे थ्यंबले शाक्य मुनि बुद्धं उपदेश बिया
छु धाल गथ्ये लोमंका- छं सुचकाम्ह मचा तोता हति-
छम्ह काय् आसीं भाजु नं लुया वइ, मखुसा लुया वइ
मखुः

थथ्ये आकाशबाणि जगु खँ न्यना ब्राम्हणीया मचा
तोता हल - व्वांब्वां ब्या माँ सःता नाप लावल काय्
बुया ब्राम्हणी लिहांवन अनंनिस्थे ब्राम्हणी स्वयम्भू
दर्शन यायेत ग्याना मवल ।

अमिताभ बुद्ध मनुष्यजुया वासीं भाजुया ह्लाः
ज्वना यक्षेश्वरी यात छं काय् थ्वखला धका वयने हल,
खः धका घःपुना न्हिल । थ्वसपोल अमिताभ मनुष्य-
रुपं आज्ञाजुल- छ शाक्यमुनि बुद्धया माँ ज्वीदुम्ह
खः । मखुथ्ये ज्या यागुलिं यक्षेणीजुया भातं पितंकानं
चोनेमाल आः थन वयानं परया मचा सुचका सन ।
हानं थुजागु ज्यायात धासा थनं पितंता छोइ थुलि
आज्ञा जुया अन्तर ध्यान जुया बिज्यात ।

छन्हु जि मचातेत छुनकेगु, जि छुनयेगु, नये
पित्यात धका यक्षेश्वरी बने चोना खोथा चोन । थुगु
समय शान्तिपुरे दुने योग याना बिज्याम्ह गुरु शान्ति-
कराचार्य पिहां वया खोय्मते धीरया आमदुःख सुनान
यागु मखुः, थः थमं याना दुःख जुल- बुद्ध वचन
पालन याना चों सुखज्वी- पालन मयासा दुःखी ज्वी ।

जि नकेगु आहार चूलाका बी धया स्वयंभू बुद्धया
जवे तथा पंचामृतादि दुरु, धौ, घ्यः, कस्ति, साख
मचातेगु आहार मिलेयाना तंत्र विधानं पूजायाना नेगु
चूलाका बिल ।

अनंलि लिपा शान्तिकराचार्यया शिष्य बन्धुदत्तं
अथ्ये हे पूजा याना आहार चूलाका बिल ।

यक्षेश्वरी लेः ताया थथ्ये धाल- सुनां जित नेगु
चूलाका थथ्ये पूजाया वइ वयात मनोरथ कार्य सिद्ध
जुइ ।

संसारया दुःखं मुक्त जुइगु ज्या जि याये फइ मखु,
जिहे दुःख तिनि मोक्ष छोइम्ह बुद्ध खः जि मखु ।

थथ्ये धागुलि मन कामना पूर्णयाय्त अनंलि लिपा
बराबर पूजायातपि दया वल ।

लिपा छहस्यें श्वं ऐला हाय्का पूजायाबले छम्ह
बिद्वानं खना, हारती यक्षेश्वरीया मचातेत इतः मतः
कंक आम अयोग्यगु तथा छाप् हाप् कागु धागु शब्दया
अर्थ मथुया अद्यापि श्वं ऐला नं छाप्हाय्का
चोनतिनि ।

स्वयंभू बुद्ध त्रिरत्न मंजुश्री बोधिसत्व बसुन्धरा
आर्यतारापिङ्गु स्थाने अमंगल ज्वीका चोंगु खना
बिद्वान् बर्गपिसं घ्रिणि याना वनीगु जुल । बुद्ध धर्मया
नियम उत्थान छाये मज्जुल स्वयं सीके मागु खः ।
हारतो यक्षेश्वरीया महिमा सीकेत सुवर्णं प्रभास सूत्र
पंचरक्षा प्रत्यंगिरा अध्यथन यासा बांलाक बुद्धे उवी ।

॥ शुभम् ॥



ॐ नमः श्री आर्यमहाप्रतिसराय ॥

अथातो विद्याधरस्य रक्षा विधान
कल्पं व्याख्यास्यामि सर्वसत्त्वानुकम्पया ।
येन रक्षाविधानेन सर्वसिद्धिर्यविष्यति ।
यत्रयत्र कृता रक्षा भवत्येव नशंसयः ॥

श्रीशाक्यमुनि बुद्ध भगवानं आज्ञा दयका बिज्जात ।
हे सभालोकपि, सकल प्राणिपित उध्दर ज्वीगु काय्यं
अनुग्रहण, हामाजुयावंपि भगवान्पिसं याना वयनावंगु
जि नं धारणयाना जुयागु थ्व बिद्याधरया रक्षा बिधा-
वकल्पया खं कनेत्यना एकाग्र चित्तयाना न्यः ॥

थ्व रक्षा बिधानकल्प धयागु बुद्ध धर्मया जगतो-
धदार ज्वीगु मन्त्र खः । थुकिं सकल सिद्धि प्राप्त
ज्वी । गन गन थ्व मन्त्र बोनी धारण यायी अन अनस
कलयात रक्षा ज्वी मज्वी धका छुं संखा काय्म्वाः ॥

रक्षा बिधान मन्त्र थ्व खः । पञ्चरक्षाया प्रथम खण्डे बुः ।

ॐ नमो बुद्धाय । ॐ नमो धर्माय । ॐ नमो
संघाय । नमो भगवते शाक्यमुनये महाकारु-

णिकाय नमः समन्तेभ्यः संस्यक्संबुद्धेभ्यः ॥
 ॐ सर्वपापविदारणी स्वाहा । सर्वव्याधि हरणी
 स्वाहा । गर्भसंरक्षणी स्वाहा । सर्वत्र भय हर-
 णी स्वाहा । सर्व शत्रु भय हरणी स्वाहा ।
 सर्वत्र जयलब्धे स्वाहा । स्वस्ति भवतु मम सप-
 रिवारस्य सर्वसत्त्वानां च स्वाहा ॥ ॥ ॐ
 भुवः स्वाहा । ॐ स्वस्ति स्वाहा । ॐ शान्ति
 स्वाहा । ॐ पुष्टि स्वाहा । ॐ बलवर्धनि स्वाहा ।
 ॐ जयतु जय जयवति जय कमले स्वाहा । ॐ
 विपुले स्वाहा । ॐ सर्वतथागत मुर्तये स्वाहा ।
 ॐ भुरि स्वाहा । ॐ शान्ति स्वाहा । ॐ भुः भुरी
 २ वज्रवती सर्वतथागत हृदय पूरिणी आयुः
 संधारणी बलवती ॐ जयविद्ये हूँ हूँ फट् २
 स्वाहा । ॐ मणिवज्र हृदयवज्रे मारसैन्य विद्रा-
 विणि हन २ सर्व शत्रून् वज्रगर्भे त्राशय २
 सर्वमार भवनानि हूँ हूँ फट् २ स्वाहा । ॐ
 मणिधरी वज्रिणी महाप्रतिसरे शरीरे रक्ष २
 मां सर्वत्त्वानां च हूँ फट् स्वाहा ॥

लेखकया प्रकाश जूगु सफूत

- १) बुद्ध-बूष जन्म कथा
- २) सूर्योदय राजाया कथा
- ३) स्तोत्र दर्पण
- ४) नेपाल वर्ष क्रिया
- ५) बूँगद्यो नेपाले हःगु वंशाबली
- ६) गुणवती कथा
- ७) नेपाल भाषा देव स्तोत्र
- ८) अन्त्य शान्ति क्रिया पुस्तकम्
- ९) सर्वानन्द नृप जातक
- १०) सुरदत्त कथा
- ११) नेपाल तीर्थ व्रत
- १२) महायान बुद्ध-धर्म दर्शन
- १३) आर्य्यतारा स्तुति परित्राण पाठ
- १४) द्वादश तीर्थ व्रत